

LABURPENA

I. NAZIOARTEKOA

Munduko ekonomiaren hazkundera moteldu egin da ziurgabetasun geopolitiko handiko ingurune batean. Ekialde Ertaineko gatazkak areagotu egiten ditu inflazio-presioak eta ekonomia-jarduerarako arriskuak.

II. ESPAINIA

Ekonomia espainiarra da Europako ekonomia nagusien hazkunderaren buru, kontsumoak, inbertsioak eta enpleguak bultzatuta. Kanpoko ziurgabetasunak eta energiaren garestitzeak perspektibak baldintzatzen dituzte.

III. EAE

Euskal ekonomiak hazkunde sendoa du barne-ekonomiaren oinarrituta, eta kanpo-sektoreak eta industriak, berriz, bere bultzada geldiarazten dute ingurune zalantzarri batean.

IV. BIZKAIA

Dezelerazioko eta ziurgabetasuneko testuinguru batean, Bizkaiko ekonomiak hazkunde neurritsu eta erresilienteari eusten dio, barne-ekonomiaren, industriaren susperraldian eta berrakibatzen ari dela dirudien kanpo-sektorean oinarrituta.

V. FISKALA

Bizkaiko diru-bilketak bilakaera positiboa izaten jarraitzen du, nahiz eta Ekialde Hurbileko gatazkak astindua eman, lurraldeko ekonomiaren sendotasunaren ondorioz. Bestalde, Arabak diru-sarrerak kontabilizatzeko egindako aldaketak zaildu egiten du lurraldeen arteko konparazioa.

BIZKAIK BIKOIZTU EGIN DU GOI-MAILAKO TEKNOLOGIAKO ESPORTAZIOEN PISUA 2018 ETA 2025 ARTEAN, ETA MERKATARITZA-OREKA HISTORIKOA LORTU DU

Bizkaiko industria-sareak egiturazko eraldaketa-prozesu bat osatu du, ekoizpen-eredu aurreratuagoetarantz. Produktuen maila teknologikoaren arabera Kanpo Merkataritza txostenaren arabera, barrixek (Bizkaiko Berrikuntzaren Behatokia) egina eta Bizkaiko Foru Aldundiaren eta Bilboko Merkataritza Ganberaren baterako ekimena dena, lurraldeak goi-mailako teknologiko esportazioen pisua bikoiztu du 2018. eta 2025. urteen artean, kanporako salmenta guztien %3,2tik % 6,6ra igaro baita.

Bilakaera horrek agerian uzten du Bizkaiko produkzio-sarearen berrikuntza-ahalmena indartu egin dela eta konplexutasun teknologiko handiagoko sektoreetan gero eta espezializazio handiagoa duela. Ildo horretan, Bizkaia EAEko goi-mailako teknologiko produktuen esportazioen % 57,0 biltzen du, eta segmentu horren esportazio-eragile nagusia da Euskal Autonomia Erkidegoan.

Era berean, 2025ean, Bizkaia mugarri garrantzitsu bat lortu du, merkataritza-saldo positiboak erregistratu baititu intentsitate teknologikoko lau mailetan. Eraitza horrek erakusten du tokiko industriak kanpo-mendekotasun txikiagoa duela eta lehiarako ahalmen handiagoa duela, batez ere goi-teknologiko jardueretan; izan ere, esportazioen balioak ia bikoiztu egiten du ekoizpenerako behar diren inportazioena, eta murriztu egiten du lurraldea kanpo-merkatuaren gorabeheren aurrean kaltebera izatea.

Bestalde, txostenak nabarmentzen du produktu energetikoek gero eta pisu txikiagoa dutela kanpo-merkataritzan. Petrolio fintzearekin lotutako esportazioek nabarmen egin dute behera azken urteotan, eta teknologia ertain-altuko manufaktura-jarduerak, berriz, protagonismo handiagoa hartu dute. Horien artean, makineria eta ekipa elektrikoen azpitaldeak nabarmentzen dira, bai eta eraikuntza aeronautiko eta espaziala ere, azken hori aztertutako aldiaren erregistratutako hazkunde-eritmo handienetako batekin.

Bizkaiko lehiakortasuna merkatu zorrotzetan islatzen da esportazio teknologikoen banaketan, garapen handiko ekonomietan kontzentratuta. Erresuma Batua da lehentasunezko bazkidea, eta Estatu Batuak, berriz, erkidegoz kanpoko helmuga nagusia.

Inportazioei dagokienez, hornitzaileen mapak dibertsifikazio geografiko handiagoa erakusten du herrialde hornitzaile nagusien artean: Estatu Batuak, Erresuma Batua, Frantzia eta Txina.

Barrixeren azterketaren arabera, Bizkaiko kanpo-merkataritzaren azken aldiko bilakaerak erakusten du esportazio-oinarria handitu egin dela, sektoreak gehiago dibertsifikatu direla eta teknologia-autonomiak etengabe egin duela aurrera. Energiarekiko mendekotasun handiagoa duen ekonomia batetik ezagutzen eta manufaktura aurreratuan intentsiboak diren jardueretan oinarritutako beste ekonomia batera igarotzeak lurraldea abangoardiako industria-nodo gisa kokatzen du Europan.

Iturria : <https://www.bizkaia.eus/eu/web/comunicacion/berriak>



NAZIOARTEKO EKONOMIA

Euroguneko ekonomia handien artean, 2026aren hasieran indarra galdu da, ziurgabetasun geopolitikoak eta energiaren garestitzeak markatutako testuinguruan.

Munduko ekonomiak erresilientzia erakutsiz hasi du 2026. urtea, merkataritzak, garapen bidean dauden ekonomietako industria ekoizpenak eta adimen artifizialari (AA) lotutako inbertsioek bultzatuta. Hala ere, gero eta konplexuagoa den nazioarteko testuinguru batean, jarduera adierazleen arabera, hazkunde orokorra moteltzen ari da.

Nazioarteko testuinguru ekonomikoari dagokionez, ziurgabetasun maila handia egon da, Ekialde Hurbileko gatazkaren ondorioz. Gatazka hori munduko ekonomiaren arrisku faktore nagusietako bat bihurtu da. Energiaren lehengaien garestitzea, finantza baldintza murriztaileak eta enpresa ziurgabetasun handiagoa, eragina izaten ari dira kontsumo pribatuan eta inbertsioan.

Aurreko urtean merkataritza oztopoen hazkundearen eta tentsio geopolitikoaren ondorioak xurgatu ondoren, nazioarteko jarduera ekonomikoak erronka garrantzitsuei egin behar die aurre berriro ere.

Bereziki, ekonomia emergenteetan eta garapen bidean daudenetan eragin handiagoa izan dezakete Ekialde Hurbileko gerraren ondorioek. Horietako askok erregaien, elikagaien eta ongarrien kostuen igoerari aurre egin behar izan diote, eta, aldi berean, beren monetetikiko presioak, finantzaketa baldintza zorrotzagoak eta inbertitzaileen konfiantza txikiagoa jasan dituzte. Lehengaien inportatzaile diren herrialdeak bereziki kalteberak izan dira faktore horien aurrean.

Hala ere, aurrerapen teknologikoak eta adimen artifizialean (AA) egindako inbertsio gero eta handiagoak energia krisien eta ziurgabetasun geopolitikoaren ondorio negatiboak neurri batean arintzen lagundu dute. Teknologia horiei lotutako produktibitate hobekuntzek jarduera ekonomikoa bultzatu dute zenbait sektoretan, enpresa inbertsioa sustatuz eta munduko merkataritzaren susperraldiari lagunduz, bereziki teknologia esportatzen duten Asiako ekonomietan.

Bestalde, trantsizio energetikoak garrantzia irabazten jarraitu du. Energia berriztagarriek beren lehiakortasuna hobetzen jarraitu dute, eta erregai fosilekiko mendekotasuna nahiz etorkizuneko energia asalduren aurreko esposizioa murrizteko aukera estrategiko gisa sendotu dira. Hala ere, azpiegitura eta teknologia garbietan egindako inbertsioa oso desorekatu mantendu da eskualdeen artean, eta horrek mugatu egin du garapen bidean dauden ekonomia askok eraldaketa horren onurak osorik baliatzeko duten gaitasuna.

Oro har, nazioarteko jarduera ekonomikoak bilakaera desberdina izan du eskualde batetik bestera. Estatu Batuek eta Asiako hainbat ekonomiak hazkunde nahiko sendoari eutsi dioten bitartean, beste eremu batzuek, bereziki energia inportazioen mendekotasun handiena dutenek, moteltze nabarmenagoa izan dute.

Hazkundearen bilakaera arlo ekonomikoen arabera

Euroguneko ekonomiak bultzada galdu du 2026aren hasieran, ziurgabetasun geopolitikoak eta energiaren garestitzeak markatutako testuinguru batean.

Estatu Batuetako jarduera ekonomikoak sendo jarraitu du 2026ko urtariletik martxora bitartean, eta erresistentzia gaitasun nabarmena erakutsi du muga zergen igoera, immigrazio politikaren murrizketak eta administrazio federaleko langileen kopuruaren murrizketa nagusi izandako testuinguruan. Hala, Estatu Batuetako BPGa % 0,4 hazi da hiruhileko batetik bestera 2026ko lehen hiruhilekoan, 2025eko azken hiruhilekoan izandako % 0,1aren aldean. Horrek, urtearen hasieran jarduera ekonomikoa bizkortu dela erakusten du.

Urtetik urtera, hazkundera % 2,6ra iritsi da, aurreko hiruhilekoan erregistratutako % 2,0a baino sei hamarren handiagoa, eta horrek Estatu Batuetako ekonomiaren sendotasuna berresten du. Aurrerapen hori, batez ere, inbertsio finkoak bultzatu du. Aitzitik, kontsumo pribatuak bilakaera apalagoa izan du, kontsumitzaileen konfiantzaren narriadurak eta etxeetako errenta erabilgarri errearen hazkunde txikiak baldintzatuta.

Txinan, munduko bigarren ekonomian, BPGak % 4,7ko urte arteko hazkundera izan du 2026ko lehen hiruhilekoan, aurreko hiruhilekoan erregistratutakoa baino hamarren bat handiagoa.. Hiruhileko batetik bestera, BPGa % 1,3 hazi da, aurreko hiruhilekoan izandako % 1,2aren aldean, eta 2024ko laugarren hiruhilekotik izandako hazkunde erritmorik handiena lortu du. Eraitza horiek erakusten dute Txinako ekonomiak hazteko gaitasun handia izaten jarraitzen duela.

Txinako jarduera ekonomikoaren bilakaera manufaktura sektorearen sendotasunak eta esportazioen dinamismoak bultzatu dute. Kanpo sektoreak berriro ere funtsezko zeregina izan du hazkunde ekonomikoan, eta portaera erresilientea mantendu du, nazioarteko merkataritza tentsioak areagotu diren testuinguruan ere bai. Hala ere, hainbat adierazlek iradokitzen dute bultzada hori moteldu egin daitekeela datozen hiruhilekoetan, kanpo ingurunea okertzen den heinean eta merkataritza murrizketak nazioarteko eskariari eragiten hasten zaizkion neurrian.

Aitzitik, barne eskariak portaera apala izaten jarraitzen du. Kontsumo pribatuaren eta inbertsioaren hazkunde neurritsuak berretsi egiten du dinamismo falta eta kanpo eskaria ordezkatzeko zailtasuna.


Sektoreka, industria sektoreak bere hazkundera bizkortu zuen urtetik urtera % 5,7ra arte. Beraz, aurreikuspenak gainditu ditu, kanpo eskariaren sendotasunari esker. Era berean, zerbitzuen sektoreak % 5,2ko hazkundera izan zuen, eta urteko lehen hiruhilekoan ekonomiaren hazkunde ageratuari ekarpen esanguratsua egin zion.

Japoniako ekonomiak % 0,5eko hiruhileko arteko hazkundera izan zuen urte honetako urtariletik martxora bitartean, aurreko hiruhilekoan baino hiru hamarren handiagoa, barne eskariaren portaera onak eta esportazioen susperraldiak bultzatuta. Kontsumo pribatuak, Asiako herrialde horretako ekonomiaren % 60 inguru hartzen duenak, bilakaera positiboari eutsi zion bosgarren hiruhilekoz jarraian, % 0,3ko hazkundearekin. Urtetik urtera, BPG



%0,4 hazi zen, aurreko hiruhilekoko hedapen erritmo berari eutsiz, eta Japoniako ekonomiaren bilakaera apala baina egonkorra islatuz.

Aitzitik, kapital inbertsioak ekarpen negatiboa egin zion hazkunde ekonomikoari. Ziurgabetasun ekonomiko handiak, bereziki Ekialde Hurbileko gatazkak eragindakoak, finantzaketa kostuen igoerak eta enpresen konfiantzaren narriadurak, enpresa asko proiektu handietarako gastua modu orokortuan murriztea ekarri dute, eta horrek jarduera ekonomikoaren dinamismoa mugatu du.



Erresuma Batuko ekonomia % 0,6 hazi zen hiruhilekotik hiruhilekora urtarritetik martxora bitartean. Horrela, aurreikuspenak gainditu zituen, eta 2025eko azken hiruhilekoan erregistratutako % 0,2ko hazkundearen aldean bizkortze nabarmena izan zuen. Hazkunde hori zerbitzuek eta kontsumo pribatuaren dinamismoak bultzatu dute.

Eskaintzaren ikuspegitik, hazkunderik handiena zerbitzuen sektorean izan zen; izan ere, sektore horrek % 0,8ko hazkundea izan zuen, aurreko hiruhilekoan baino lau aldiz handiagoa. Bestalde, industria ekoizpena % 0,2 hazi zen, eta eraikuntza sektorea % 0,4. Gastuaren ikuspegitik, kapital eraketa gordin handiagoak, etxeetako kontsumoak eta gobernuaren gastuak bultzatu zuten hazkundea.

Urtetik urtera, Erresuma Batuko ekonomia % 1,1 hazi zen, 2025eko laugarren hiruhilekoan erregistratutakoa baino hamarren bat gehiago.

Euroguneko ekonomiak % -0,2ko uzkurdua izan zuen 2026ko lehen hiruhilekoan, aurreko hiruhilekoan % 0,2ko hazkundea izan ondoren. Horrek, Ekialde Hurbileko gerraren hasierako eragina islatzen du. Euroguneko jarduera ekonomikoaren uzkurdua hori 2022aren amaieratik izandako lehen jaitsiera da; izan ere, orduan BPGak -% 0,1 egin zuen behera. Era berean, 2020ko bigarren hiruhilekotik izandako jaitsierarik handiena da; aldi hartan, jarduera ekonomikoak gainbehera handia izan zuen COVID-19aren pandemiari erantzuteko ezarritako konfinamenduen ondorioz.

Europar Batasunosoan ere hazkundearen estimazioa beherantz zuzendu da, eta BPGa -% 0,1eko uzkurduran kokatu da lehen hiruhilekoan, aurreko hiru hilabeteetan erregistratutako % 0,2ko igoeraren aldean.

lazko hiruhileko berarekin konparatuta, Euroguneko BPG %0,3 hazi zen, eta Hogeita zazpietakoa, berriz, % 0,7 urtetik urtera.

2026ko lehen hiruhilekoan, Danimarkak (% 1,9) izan zuen BPGaren hazkunderik handiena aurreko hiruhilekoaren aldean; haren atzetik etorri ziren Estonia eta Malta (biak % 1,1eko hazkundearekin). Aitzitik, beherakadak izan ziren Irlandan (-% 12,1), Lituania (-% 0,3), Suedian (-% 0,2) eta Frantzia (-% 0,1).

Alemaniak aurreikusitakoa baino bilakaera hobea izan du 2026ko lehen hiruhilekoan, eta % 0,3ra arte igo da hiruhilekotik hiruhilekora. Emaiza horrek merkatuaren aurreikuspenak gainditu ditu, eta 2025eko lehen hiruhilekotik izandako hiruhilekoko aurrerapenik handiena da. Aitzitik, Frantziak -% 0,1eko uzkurdua izan du hazkunde datuak beherantz berrikusi ondoren, eta horrek areagotu egin du Frantziako ekonomia atzeraldi teknikoan sartzeko arriskua, jardueraren ahuleziak datozen hiruhilekoetan jarraitzen badu.

Alemanian, hazkunde ekonomikoa kanpo sektorearen sendotasunak babestu du. Esportazioak % 3,3 hazi dira, eta inportazioek, berriz, bilakaera neurritsua izan dute, % 0,1eko hazkundearekin; horren ondorioz, kanpo eskariak ekarpen positiboa egin dio hazkundeari. Era berean, gastu publikoak portaera dinamikoa izan du, % 1,1eko hazkundearekin; etxeetako kontsumoa, berriz, ia geldirik mantendu da. Hala ere, Alemaniaren aurreikuspen ekonomikoak Ekialde Hurbileko gerrak, energiaren prezioen igoerak eta lehiakortasuna berreskuratzeko egiturazko erreformen nahiz estrategia argi baten faltak baldintzatzen jarraitzen dute.


Frantziari dagokionez, jarduera ekonomikoak neurri batean aurrekontu publikoa onartzeko izandako atzerapenaren inguruko ziurgabetasunaren eragina jasan du. Horren ondorioz, enpresek eta etxeek inbertsio eta gastu erabakiak moteldu dituzte. Testuinguru horretan, kontsumitzaileen gastuak -% 0,2 egin du behera, eta enpresen inbertsioak -% 0,4ko jaitsiera izan du.

Frantziako kanpo merkataritzak ere kontrako bilakaera izan du. Ondasunen eta zerbitzuen esportazioek -% 3,8 egin dute behera, aurreko hiruhilekoan erregistratutako % 0,8ko hazkundearen aldean. Inportazioek, berriz, -% 1,7 egin dute behera, eta aurreko hiruhilekoan izandako -% 0,8ko uzkurdua areagotu dute.

Italiak, bere aldetik, % 0,3ko hazkundera izan du hiruhilekotik hiruhilekora, aurreko aldiko hedapen erritmo berari eutsiz. Hazkunde hori, barne eskariaren sendotasunak eta kanpo eskari garbiaren ekarpen positiboak babestu dute.

Espainiako ekonomiaren hazkundera apaldu egin zen lehenengo hiruhilekoan, % 0,6 hazi baitzen, aurreko hiru hilabeteetan erregistratutakoa (% 0,8) baino hiru hamarren gutxiago. Moteltze hori gorabehera, Espainiak euroguneko ekonomiarik dinamikoenen artean egoten jarraitu zuen.

Enpleguaren datuari dagokionez, pertsona enplegatuen kopurua % 0,1 igo zen Eurogunean zein EBn, 2026ko lehenengo hiruhilekoan, aurreko hiruhilekoarekin konparatuta. 2025eko laugarren hiruhilekoan, enplegua % 0,2 hazi zen bi eremuetan. Aurtengo lehenengo hiruhilekoan zehar, 2025eko lehenengo hiruhilekoarekin konparatuta, enplegua % 0,5 gehitu zen Eurogunean eta % 0,6 EBn, urte horretako lehen hiruhilekoan.



Epe laburreko aurreikuspenak

NDFk beherantz berrikusi ditu hazkunde orokorrari buruzko aurreikuspenak 2026ko apirilean argitaratutako "Munduko Ekonomiaren Aurreikuspenak" txostenean. Ekialde Hurbileko gatazkaren iraupenak zehaztuko du munduko moteltzearen norainokoa.

Nazioarteko Diru Funtzak (NDF) 2026ko apirilean argitaratutako azken estimazioen arabera, munduko ekonomiak bilakaera egonkorra izan zuen 2025ean, urtetik urterako % 3,4ko hazkundearekin.

Hala ere, munduko jarduera ekonomikoak arrisku iturri berri bati egin behar dio aurre, Ekialde Hurbileko gatazkaren ondorioz. Lehengaien garestitzea, inflazio itxaropen sendoagoak eta finantza baldintza murriztaileagoak, azken urteotan munduko ekonomiak erakutsitako erresilientzia proban jartzen ari dira.

Txostenak erreferentziazko agertoki bat eta gatazkaren iraupen eta hedapen maila desberdinei lotutako bi agertoki alternatibo planteatzen ditu. Erreferentziazko agertokiak gatazkak iraupen laburra izango duelako hipotesia hartzen du abiapuntutzat. Hipotesi horren arabera, NDFk aurreikusten du munduko ekonomia % 3,1 haziko dela 2026an; horrek esan nahi du urtarileko aurreikuspenen aldean 0,2 puntu beherantz berrikusi dela. 2027rako, erakundeak % 3,2ko hazkunde aurreikuspena mantentzen du, aurreko eguneratzearen aldean aldaketarik gabe.

Ekonomia aurreratuetan, hazkundea % 1,8koa izango litzateke 2026an eta % 1,7koa 2027an, ziurgabetasun politikoak eta merkataritzakoak eragindako testuinguru batean. Estatu Batuetan, NDFk aurreikusten du % 2,3 haziko dela 2026an; horrek esan nahi du urtarileko aurreikuspenen aldean hamarren bat jaitsi dela. 2027rako, joerak jarraituko luke, beste bi hamarren jaitsiz, % 2,1 arte.

Bestalde, euroguneak % 1,1eko hazkundea izango luke 2026an eta % 1,2koa 2027an. Ekonomia emergenteetan eta garapen bidean daudenetan ere jarduerak dinamismoa galduko luke, % 3,9ko hazkunde tasekin 2026an eta % 4,2koekin 2027an. Txina da aurreikuspenen berrikuspenaren ondorioz gehien kaltetutako ekonomietako bat; hazkundea % 4,4koa izango litzatekeela aurreikusten da 2026an, eta % 4,0koa 2027an.

Aitzitik, Mexiko nabarmentzen da bere aurreikuspenen hobekuntzagatik, eta % 1,6ko hazkunde izatea espero da 2026an.

Inflazio orokorrari dagokionez, 2025ean erregistratutako % 4,1etik % 4,4ra igoko litzateke 2026an, eta ondoren % 3,7ra moderatuko litzateke 2027an. Aurreikuspen horiek goranzko berrikuspena dakarte bi urteetarako, eta azken urteetan ikusitako desinflazio joeraren etenaldia ere bai.

Kontrako agertokian, energiaren prezioen igoera biziagoa eta iraunkorragoa aurreikusten denez, munduko hazkunde are gehiago motelduko litzateke, eta % 2,5ean kokatuko litzateke 2026an; inflazioa, berriz, % 5,4ra iritsiko litzateke.

Azkenik, agertoki larrienak aurreikusten du energia merkatuetako asaldurek 2027ra arte iraungo dutela, inflazio itxaropenak ainguratu gabe geratuz, eta finantza baldintzak gogortuz. Hipotesi horren arabera, munduko hazkunde % 2 inguruko mailetara jaitsiko litzateke 2026an, eta inflazioak % 6 zertxobait gaingidituko luke 2027an.

Aurreikuspenetatik harago, NDFk nabarmentzen du munduko ekonomia gero eta multipolarragoa den ingurune baterantz doala, non herrialdeek merkataritza bazkide berriak bilatzen dituzten eta finkatutako ordena geopolitikoetatik urruntzen diren. Testuinguru horretan, erakundeak ohartarazten du kezka nagusietako bat dela joera horiek politika protekzionistagoak eta munduko ekonomiaren zatikatzeko handiagoa sustatzea.

Barne Produktu Gordina errealak: Aurreikuspenak
(Urteko aldakuntza tasa, %)

	2025	Aurreikuspenak	
		2026	2027
Mundua	3,4	3,1	3,2
Aurreratutako ekonomiak	1,9	1,8	1,7
Estatu Batuak	2,1	2,3	2,1
Euro gunea	1,4	1,1	1,2
Alemania	0,2	0,8	1,2
Frantzia	0,9	0,9	0,9
Italia	0,5	0,5	0,5
Espainia	2,8	2,1	1,8
Japonia	1,2	0,7	0,6
Erresuma Batua	1,3	0,8	1,3
Azaleratutako ekonomiak	4,4	3,9	4,2
Txina	5,0	4,4	4,0
India	7,6	6,5	6,5
Brasil	2,3	1,9	2,0
Mexico	0,6	1,6	2,2
Errusia	1,0	1,1	1,1

Iturria: Nazioarteko Diru Funtsak (NDF)- Eguneraketa WEO 2026-04

Europako Batzordeak (EB), udaberriko Aurreikuspen Ekonomikoetan, hazkunde ekonomikoaren moteltzea aurreikusten du. Ekialde Hurbileko gatazkak energia arloko asaldura berri bat eragin du, inflazioa gorantz bultzatuz eta konfiantza ekonomikoari kalte eginez.

2025ean, Europar Batasuneko BPGaren hazkunde % 1,5ekoa izan da, eta eurogunean % 1,4koa. Hala ere, Ekialde Hurbileko gatazkak nazioarteko testuinguru ekonomikoa aldatu du, munduko energia hornikuntzan eten handiak eragin baititu, bereziki petrolio produktu finduen esportazioetan. Ukrainaren aurkako Errusiaren inbasioak eragindako energia



krisiarekin alderatuta, Europar Batasunak mendekotasun txikiagoarekin egiten dio aurre egoera berri honi, energia berriztagarrien hedapenari esker; izan ere, horrek gasaren prezioak elektrizitatearen prezioan duen eragina murriztu du, eta, aldi berean, industriaren eta etheen energia kontsumoa nabarmen jaitsi da.

Testuinguru horretan, Europako Batzordeak aurreikusten du Europar Batasuneko BPGaren hazkundera % 1,1era motelduko dela 2026an; hau da, 2025eko udazkeneko aurreikuspenetan balioetsitakoa baino hiru hamarren gutxiago. Aldi berean, inflazioa % 3,1era igoko da, aurreko aurreikuspenekin alderatuta ehuneko puntu bateko goranzko berrikuspena eginez. 2027rako jarduera ekonomikoaren susperraldi mailakatua aurreikusten da, % 1,4ko hazkundearekin, eta, aldi berean, inflazioa % 2,4ra moderatuko da.

Eurogunean, hazkunde ekonomikoa % 0,9koa izango da 2026an, eta inflazioa % 3,0ra iritsiko da, Europako Banku Zentralaren (EBZ) helburutik aldi baterako aldentuz. Hala ere, 2027an jardueraren susperraldi mailakatua eta inflazio presioen moteltzea espero dira. Urte horretan, hazkundera % 1,2ra iritsiko da, eta inflazioa % 2,3ra jaitsiko da, betiere energia merkatuek egonkortasuna berreskuratzen badute.

Inflazio maila handiek dirauten bitartean, diru politikaren jarduna baldintzatuta egongo da. Horren ondorioz, EBZk eta Europako beste banku zentral batzuek diru politika murriztaileagoari eutsiko diotela edo aurrez aurreikusitako interes tasen jaitsierak atzeratuko dituztela espero da.

Inbertsioaren aurreikuspenak okertu egin dira Europar Batasunean. Finantzaketa kostuen igoerak eta irabazien murrizketak enpresek inbertsio berriei ekiteko duten gaitasuna mugatzen dute; era berean, ziurgabetasun ekonomiko handiak enpresa asko beren inbertsio planak atzeratzera edo murriztera eramaten ditu. Ondorioz, kapital finkoaren eraketa gordina % 2,2 haziko dela aurreikusten da 2026an eta % 2,0 2027an; 2025ean erregistratutako % 2,8ko hazkundearen azpitik. Datu horiek bost hamarreneko beheranzko berrikuspena dakarte bi ekitaldietarako, 2025eko udazkeneko aurreikuspenekin alderatuta.

Bestalde, kontsumo pribatuak Europar Batasuneko hazkunde ekonomikoaren motor nagusia izaten jarraituko du, nahiz eta bilakaera apalagoa izan. % 1,1eko hazkundera aurreikusten da 2026rako, eta ondoren % 1,3ra arteko bizkortze txiki bat 2027rako. Horrek lau hamarreneko eta bi hamarreneko beheranzko berrikuspenak dakartza, hurrenez hurren, 2025eko udazkeneko aurreikuspenekin alderatuta.

Kanpo sektorean, Europar Batasuneko esportazioek bilakaera neurritsua izango dute: % 0,9ko hazkundera aurreikusten da 2026rako eta % 2,1ekoa 2027rako. Udazkeneko aurreikuspenekin alderatuta egindako beheranzko berrikuspena ondasunen esportazioen ahuleziari zor zaio batez ere; zerbitzuek, berriz, bilakaera erresilientea izaten jarraitzen dute. Inportazioek ere hazkundera motelduko dute, nahiz eta esportazioek baino neurri txikiagoan, eta % 1,7ra iritsiko dira 2026an.

Lan merkatuan, enpleguak bilakaera positiboa izan zuen 2025ean, % 0,5eko hazkundearekin; horri esker, 2019az geroztik Europar Batasunean sortutako lanpostuen kopurua hamar milioira hurbildu da. Hazkunde hori, batez ere, lan merkatuan parte hartzearen igoerak bultzatu zuen. Hala ere, Ekialde Hurbileko gatazka piztu aurretik ere lan merkatuaren baldintzetan moteltze zantzuak antzematen ziren.



Europako Batzordeak enplegu sorrera motelduko dela aurreikusten du, % 0,3ko hazkundearekin 2026an eta % 0,4koarekin 2027an. Ondorioz, langabezia tasa % 6 inguruan egonkortzeko joera izango du, eta horrek enplegua sortzeko gaitasun txikiagoa islatzen du, hazkunde ekonomiko ahulagoa den testuinguru batean.

Bestalde, soldaten hazkunde nominala aurrez espero zena baino gutxiago motelduko da 2026an, eta maila sendoan mantenduko da; 2027an % 3,5 inguruko hazkundea izango du, soldatak pixkanaka inflazioaren gorakadara egokitzearen ondorioz.

Herrialdekako aurreikuspenetan, Espainiak euroguneko ekonomia nagusien artean dinamikoena eta egoera osasuntsuena duen ekonomia izaten jarraitzen du, Frantziak eta Alemaniak erakusten duten geldialdiarekin alderatuta. Nahiz eta jarduera ekonomikoa pixkanaka moteltzea aurreikusten den, besteak beste Ekialde Hurbileko gatazkaren eraginaren ondorioz, Espainiako BPG errealearen hazkundeak erritmo sendoari eutsiko dio 2026an. Aurreikuspenen arabera, ekonomia % 2,4 haziko da, 2025eko geldikin handiari esker; ondoren, hazkundea % 1,9ra moderatuko da 2027an.

Espainiako ekonomiaren eragile nagusiak barne-eskaria izaten jarraituko du. Kontsumo pribatuari mesede egingo dio lan merkatuaren sendotasunak, migrazio fluxuek eta etheen zorpetze maila historikoki txikiek babestuta. Era berean, inbertsioak bilakaera positiboari eutsiko dio, finantza arlokoak ez diren enpresen egoera finantzario sendoari eta Suspertze Planari lotutako funtsen hedapenari esker. Bereziki, eraikuntzan eta aktibo ukiezinetan izango du eragina. Aitzitik, kanpo sektorearen ekarpena negatiboa izango da 2026an, ondasunen esportazioen inguruko ziurgabetasunaren ondorioz, nahiz eta haren eragina 2027an neutralizatzeko joera izan. Prezioei dagokienez, KPIHaren bidez neurtutako inflazioa % 3ra igo liteke 2026an, energiaren garestitzearen ondorioz.

Alemanian, bi urteko atzeraldiaren eta 2025ean izandako % 0,2ko hazkunde ahularen ondoren, jarduera ekonomikoak susperraldi mailakaturia izango du, % 0,6ko hazkundearekin 2026an eta % 0,9koarekin 2027an. Energia kostuen igoera handiak etheen errenta erabilgarria eta irabazi marjinak murriztu ditu, eta, ondorioz, eskaria moteldu egin da. Hala ere, gastu publikoaren igoerak bultzada positiboa emango dio hazkundeari. Kontsumo pribatua zertxobait indartzea espero da 2027an, ziurgabetasuna murrizten den heinean eta konfiantza hobetzen den neurrian; inbertsioa, berriz, pixkanaka baino ez da suspertuko, neurri handi batean osagai publikoari esker. Esportazioak, hiru urtez jarraian beherakadak izan ondoren, ia geldirik mantenduko dira, muga zergen eraginaren eta testuinguru geopolitiko kontrakoaren ondorioz; izan ere, horrek areagotu egiten ditu Alemaniako industria esportatzailearen egiturazko erronkak. Bestalde, inflazio harmonizatua, 2025ean % 2,3ra jaitsi ondoren, aurreikuspenen arabera % 2,9ra igoko da 2026an, eta gero % 2,7ra moderatuko da 2027an.

Frantzian, jarduera ekonomikoak hazkunde neurritsuari eutsiko dio. 2025ean % 0,8 hazi ondoren, BPGa berriro % 0,8 haziko da 2026an, energiaren garestitzearen eraginak baldintzatuta. Kanpo sektoreak bi hamarren inguruko ekarpena egingo dio hazkundeari, aeronautikako eta defentsako esportazioen portaera onari esker. Hala ere, kontsumo pribatuak bilakaera apala izaten jarraituko du, energia kostu handiagoei eragindako erosteko ahalmenaren galeraren ondorioz. 2027ari begira, politikak aldatu ezean, jarduera ekonomikoa zertxobait bizkortzea espero da, % 1,1era arte; horretan lagunduko dute



energiaren prezioen normalizazioak eta politika fiskal apur bat hedatzaileagoak. Errenta erabilgarri errearen igoerak etxeetako gastua bultzatuko du, nahiz eta aurrezki tasa zertxobait handitu daitekeen. Aldi berean, inbertsio pribatuak bultzada handiagoa hartuko du, defentsaren industriako eskaera zorroaren hazkundeari eta informazioaren eta komunikazioaren teknologietan egindako inbertsioen igoerari esker. Inflazioa % 2,4koa izan liteke 2026an, eta % 1,8ra moderatu 2027an.

Azkenik, Italiak hazkunde ekonomiko neurritsua izaten jarraituko du. BPG erreala % 0,5 haziko da 2026an, 2025ean izandako erritmo berari eutsiz, batez ere Suspertze eta Erresilientzia Planaren bidez finantzatutako inbertsioei esker. Hala ere, kontsumo pribatuak dinamismoa galduko du erosteko ahalmenaren narriaduraren ondorioz, eta kanpo sektoreak ekarpen negatiboa egingo dio hazkundeari. 2027rako, hazkundera zertxobait bizkortzea aurreikusten da, % 0,6ra arte, nazioarteko merkataritzaren susperraldiak eta energiaren prezioen egonkortzeak bultzatuta. Inflazioari dagokionez, aurreikuspenen arabera % 3,2ra igoko da 2026an, eta ondoren nabarmen moderatuko da, % 1,8ra arte, 2027an.

BPG eta inflazioaren hazkundera 2025-2027

Urtearteko aldaketa %

	BPG			Inflazioa		
	2025	2026	2027	2025	2026	2027
EB-27	1,5	1,1	1,4	2,5	3,1	2,4
Euroaren Eremua	1,4	0,9	1,2	2,1	3,0	2,3
Alemania	0,2	0,6	0,9	2,3	2,9	2,7
Frantzia	0,8	0,8	1,1	0,9	2,4	1,8
Italia	0,5	0,5	0,6	1,7	3,2	1,8
Espainia	2,8	2,4	1,9	2,7	3,0	2,5

Iturria: Europako Batzordea (2026ko maiatza)

ESPAINIAKO EGOERA

Espainiako ekonomiak emaitza onak izan ditu 2026ko lehen hiruhilekoan. Datuek hazkunde orekatu eta iraunkorra islatzen dute, familien kontsumoan eta enplegu-sorreran oinarrituta, baita Europako merkatu ahulduan ere.

EINEK 2026ko urtariletik martxora bitartean argitaratutako Hiruhileroko Kontabilitate Nazionalaren (HKN) aurrerapen-datuen arabera, Espainiako BPG % 0,6 hazi da hiruhileko arteko terminoetan eta bolumenean. Dinamismo hori kontsumoaren indarrak eta enpleguaren sorrerak bultzatu dute. Tasa hori bi hamarren txikiagoa bada ere 2025eko laugarren hiruhilekoarekin alderatuta, datuek berresten dute Espainiako ekonomiak joera hedakorrari eusteko gaitasuna duela nazioarteko testuinguru konplexu batean. Espainiaren hazkundeak nabarmen gaitzen du EBn (% -0,1) eta eurogunean (% -0,2) izandako beherakadarekin, eta, gainera, inguruko ekonomia nagusietan ikusitakoaren gainetik dago, hala nola Frantzia eta Alemanian (% -0,1 eta % 0,3, hurrenez hurren).

Urte arteko datuetan, Espainiako jarduera ekonomikoak % 2,7ra arteko hazkundera bizkortu du 2025eko lehen hiruhilekoarekin alderatuta, aurreko hiruhilekoan baino hamarren bat gehiago, Ekialde Hurbileko gerrak eta energia-horniduren prezioaren aldakortasunak

markatutako agertoki batean. Aurrerapen hori EBko % 0,7tik eta euroguneko % 0,3tik gorakoa ere bada. Horrela, Europako potentzia nagusien aurrerapenaren buruan dago Espainia, Alemania (% 0,3), Frantzia (% 0,9) eta Italia (% 0,8) gaindituta.


Jardueraren sektore nagusiek hazkunde sendoa lortu dute urtearen hasieran, lehen sektoreak izan ezik. Bestalde, enpleguak suspertzen jarraitzen du, lanaldi osoko lanpostu baliokideen urte arteko eta hiruhileko arteko tasak handitzen ari baitira. Ildo beretik, benetan lan egindako orduak ere bilakaera positiboa izan dute aurreko urteko aldi berarekin alderatuta.

Barne eskaria

Eskiera nazionalak aurrera egin du 2025eko lehen hiruhilekoarekin alderatuta, batez ere etxeetako kontsumoak gora egin duelako, eta, bereziki, enpresa inbertsioaren portaera onagatik.

Hazkundeak barne-eskarian oinarritzen jarraitzen du, 3,4 puntuko ekarpena egiten baitio BPGaren urte arteko hazkundeari 2026ko lehen hiruhilekoan, eta kanpo-sektorearen ekarpena negatiboa da, zazpi hamarren kenduta. Hala ere, hiruhileko arteko datuetan, kanpoko sektoreak % 0,2ko ekarpen positiboa egin du BPGaren guztizko aurrerapenaren barruan (% 0,6).

Osagaien eta urte arteko datuen arabera, enpresa-inbertsioa da gehien hazi den osagaia, %5,8ko hazkundearekin; kontsumo pribatuaren igoera, berriz, % 3,2koa izan da. Gastu publikoak ere gora egin du 2025eko aldi beraren aldean (% 2,0). Aldiz, aurreko hiruhilekoarekin alderatuta, etxeetako azken kontsumoa izan da barne-eskariaren agregatua gehien bultzatu duena BPGaren hazkundeak, % 0,6 hazi baita 2025eko urritik abendura. Era berean, administrazio publikoen gastuak % 0,2 egin du gora, eta kapital-eraketa gordinak, berriz, % 0,1 baino ez du gora egin.



Kapital Eraketa Gordinak landutako baliabide biologikoen eskaria bultzatzen du, hiruhileko % 1,2 hazi baita. Makinen, ekipo-ondasunen eta armamentu-sistemen atalak % 0,5 egin du gora; etxebizitzetan egindako inbertsioa, berriz, % 0,1 baino ez da hazi, aurreko hiruhilekoan % 2,6 hazi baitzen. Hala ere, urte arteko datuetan, etxebizitzan egindako



inbertsioaren emaitzak % 6,0ko hazkunde bikaina erakusten du, makinerian egindako inbertsioak lortutako % 3,8ko gorakadaren gainetik.

Kanpoko eskaria

Espainiako esportazioek hazkunde-joera izan dute urteko lehen hiruhilekoan, eta 96.506 milioi eurora iritsi dira (SEC datuak), nahiz eta nazioarteko testuingurua konplexua izan.

HKNen aurrerapenaren arabera, urteko lehen hiruhilekoan ondasun eta zerbitzuen esportazioak % 0,9 igo dira urte batetik bestera, eta inportazioak % 3,1, aurreko hiruhilekoko % 3,7ko eta % 6,6ko aurrerapenekin alderatuta. Ondasunen esportazioak dira esportazio guztien aurrerapena ahuldu dutenak, urte arteko % -1,3ko jaitsierarekin. Aitzitik, zerbitzuen esportazioak % 4,6 hazi dira.

Hiruhileko arteko terminoetan, kanpoko salmentek %-0,5eko jaitsiera izan dute urtarilaren eta martxoaren artean, eta 2025eko azken hiruhilekoan % 0,7 egin dute gora. Bestalde, inportazioek ere behera egin dute, %-1,2ko jaitsierarekin, 2025eko urri-abenduko aldian %1,2 hazi ondoren.

Merkataritzako Estatu Idazkaritzaren (SEC) datuen arabera, 2026ko urtariletik martxora Espainiako ekonomiaren esportazioek 2025eko azken hiruhilekoan hasitako bilakaera positiboa luzatzen dute, eta, horren ondorioz, urtea urte arteko % 0,7ko igoerarekin itxi zen. Aurtengo lehen hiruhilekoan urte arteko % 0,7ko aurrerapena lortu dute. Balio absolutuetan 96.506 milioi eurora iritsi dira, pandemiaren aurretik erregistratutako zifren gainetik.

Europar Batasunera bideratutako entregak % 2,5 igo dira, baina hirugarren herrialdeetara bideratutakoak % -2,2 jaitsi dira. Europar Batasunaren eremuan, nabarmentzekoa da Espainiako produktuen merkatu nagusietara egindako esportazioek martxora arte izandako igoera metatua. Gehikuntzak izan dira Frantzia (% 3,1), Alemanian (% 4,9), Portugalen (%5,0) eta Italian (% 7,3). Europar Batasunetik kanpoko merkatuetan, aldiz, Estatu Batuetarako (% -6,4), Marokorako (% -4,2) eta Txinarako (% -3,6) salmentek behera egin dute.


2026ko lehen hiruhilekoan, esportazioek emaitza desberdinak izan zituzten jarduera-sektore nagusien artean. Erdimanufakturen esportazioek % -5,2 egin zuten behera urte batetik bestera, eta kanpora egindako salmenta guztien % 25,5 izan ziren, hau da, kanpora egindako salmentetan pisurik handiena izan zuen sektorea. Elikagaien esportazioek ere %-0,6 egin zuten behera (esportazioen % 20,0), eta produktu energetikoen % -7,3 (esportazioen % 5,5). Aitzitik, ekipamenduko ondasunek portaera positiboa izan zuten, % 5,3ko hazkundearekin (atzerrirako salmenta guztien % 19,7), eta automobilgintzaren sektoreak joera negatiboa aldatu zuen, % 2,7 igoz (kanpoko salmenten % 13,0).

Inportazioei dagokienez, 2026ko lehen hiruhilekoan aurreko zazpi hiruhilekoetan erregistratutako hazkunde-bidea eten zen, urte arteko jaitsiera %-2,5ekoa izan baitzen. Bilakaera hori munduko gainerako herrialdeetatik etorritako erosketen beherakadaren

ondorio izan zen (% -7,0), eta ezin izan zen konpentsatu batasun barruko erosketen hazkundearekin (% 2,5).

Inportazioak murriztu egin dira, batez ere, produktu energetikoen eskurapenak nabarmen jaitsi direlako (% -16,8); izan ere, erosketak ez-energetikoen portaera ia egonkorra izan zuten, % -0,2ko jaitsiera txiki batekin.

Sektoreka, energiaren sektorea kontuan hartu gabe, inportazioen osagai nagusien artean automobilgintzaren (% 11,1) eta ekipo-ondasunen (% 3,1) erosketen aurrerapenak nabarmendu ziren. Gehikuntza horiek partzialki konpentsatu zituzten erdimanufakturen (% -7,2) eta elikagaien (% -3,2) erosketetan ikusitako jaitsierak, eta bilakaera desberdina izan zuten inportazio-eskariaren osagaien artean.




Eskaintza

Ekoizpen-sektoreek bilakaera positiboa izan dute aurtengo urtarrilaren eta martxoaren artean, lehen sektoreak izan ezik, urte arteko terminoetan.

Zerbitzuen sektoreak jardura ekonomikoaren eragile nagusia izaten jarraitzen du, eta nabarmen egin du aurrera 2025eko lehen hiruhilekoarekin alderatuta (urte arteko % 3,4). Era berean, iazko urria-abenduarekiko % 0,7 hazi da.

Industriak aurre egiten dio kanpoko testuinguru konplexuari, eta urte arteko % 1,8ko igoera nabarmena izan du, nahiz eta aurrerapen-erritmoa zortzi hamarren moteldu den 2025eko laugarren hiruhilekoan kontabilizatutako % 2,6aren aldean. Manufaktura-industriaren osagai nagusiak ere urte arteko % 1,8ko aurrerapena lortu du. Hiruhileko arteko zifretan, industria-adarrak pixka bat bizkortu du bere hazkunde-erritmoa, 2025eko azken hiruhilekoan markatu zuen % 0,2tik 2026ko lehen hiruhilekoko % 0,4ra igaro baita; horrek industria-jardueraren sendotasuna islatzen du.

Eraikuntzaren adarra da urte arteko hazkunderik handiena izan duena, % 6,5; hau da, aurreko urteko aldi beraren aldean ehuneko 3,6 puntu gehiago. Hala ere, hiruhileko arteko terminoetan, eraikuntzan egindako inbertsioak dezelerazioa erakusten du, aurreko hiruhilekoan erregistratutako % 2,0tik 2026ko urtarrilaren eta martxoaren artean % 0,1era igaroz.



Lehen sektoreak, BPGa osatzen dutenen artean pisu erlatibo txikiena duenak, % -3,4ko urte arteko jaitsiera izan du 2026ko urtarilaren eta martxoaren artean, eta, horrela, azken bi hiruhilekoetako joera negatiboa luzatu du. Hala ere, aurreko hiruhilekoarekin alderatuta, sektorearen jarduera % 3,3 hazi da, 2025eko azken hiruhilekoan izandako geldialdiaren (%0,0) aurrean.

Lan-merkatua

Enpleguak bilakaera positiboa izaten jarraitzen du urte arteko kopuruetan, baina uzurtu egin da aurreko hiruhilekoarekin alderatuta. Joera hori ohikoa da urteko lehen hiruhilekoan, Espainiako lan-merkatuaren urtarokotasunaren ondorioz.

Enpleguak, HKNen aurrerapenaren arabera, benetan lan egindako ordu kopuruaren arabera neurtuta, 2025eko laugarren hiruhilekoan aurrera egin ondoren (% 1,0 hiruhileko artean), 2026ko urtariletik martxora bitartean % -0,3ko beherakada izan du hiruhileko artean. Urtetik urterako datuen arabera, ordea, igoera % 2,1ekoa izan da, 2025eko laugarren hiruhilekoan baino hamarren bat handiagoa.

Lanaldi osoko lanpostu baliokideak, hau da, lanaldi osoko lanpostuetan egindako batez besteko lanaldiaren eta lan egindako ordu kopurua, % 0,8 igo ziren aurreko hiruhilekoarekin erkatuta. Emaita horrek 2025eko laugarren hiruhilekoko % 0,3ko igoera hobetzen du. Era berean, urte arteko terminoetan % 2,8ko hazkundera izan da, aurreko hiruhilekoan kontabilizatutako tasa bera.

Sektoreka, eta 2025eko urri-abenduarekin alderatuta, industriak (% 0,1) eta eraikuntzak (%0,9) hiruhileko arteko tasa positiboak izan dituzte benetan lan egindako ordu kopuruan; aldiz, zerbitzuen sektoreak (-%0,5) eta lehen sektoreak (-%1,8) zenbaki gorriak dituzte.

Balio absolutuetan, 21.266.200 pertsonara iristen dira enpleguak, eta ondoz ondoko hirugarren hiruhilekoan 21 milioitik gora daude.

Biztanleria Aktiboaren Inkestak (BAI) erakusten du okupazioak behera egin duela 2025eko azken hiruhilekoarekin alderatuta. Enplegua hiru hilean behin jaitea ohikoa da ekitaldi bakoitzeko lehen hiruhilekoetan, Gabonetako kanpainarako formalizatutako kontratuak

amaitzearen ondorioz. Urte honetan hiruhileko arteko jaitsiera % -0,8koa izan da, aurreko urteko lehen hiruhilekoan baino lau hamarren gehiago. Dena dela, 2025eko aldi berarekin alderatuta, enplegua sortzen jarraitzen da, eta pertsona landunen kopurua 527.600 handitu da, % 2,4ko aurrerapen nabarmenarekin. Tasa hori aurreko urteko urtarilaren eta martxoaren artean adierazitakoaren bera da.


Aurtengo lehen hiruhilekoan 22.293.000 pertsona daude lanean, eta zifra hori azken hiru hiruhilekoetako mailarik txikiena bada ere, 22 milioi okupaziotik gora mantentzen da, eta datu hori 2025eko bigarren hiruhilekoan lortu zen lehen aldiz. Hala, enpleguak pandemiaren aurretik zenbatutakoak baino zifra handiagoak izaten jarraitzen du, eta horrek erakusten du aurrera egiten jarraitzen duela, ekonomia ziurgabetasun testuinguru globalean egon arren.

Sektoreka, eraikuntzak izan du urte arteko gehikuntzarik handiena lehen hiruhilekoan, %6,6ko gehikuntzarekin. Atzetik datoz industria (% 5,0), lehen sektorea (% 4,1) eta hazkunde apalagoa izandako zerbitzuak (% 1,5).

Langabeziari dagokionez, langabezia tasa % 10,8koa da urtariletik martxora, duela urtebetekoa baino sei hamarren hobe (% 11,4), baina 2025eko laugarren hiruhilekoarekin alderatuta, tasa bederatzi hamarren hazi da (% 9,9). Balio absolutuetan, 2026ko lehen hiruhileko honetan 2.708.600 langabe egon dira guztira, langabezia % 9,3 igo da hiru hilean behin eta -% 2,9 jaitsi da duela urtebeteko langabe kopuruarekin alderatuta.

Generoaren arabera, 2026ko lehen hiruhilekoan emakumeen langabezia tasa lau hamarren jaitsi da duela urtebetekoaren aldean, eta % 12,3koa da. Era berean, gizonezkoena sei hamarren egin du behera eta hiruhilekoa % 9,5ean amaitu da.

Lanaldi osoko enpleguak 567.600 pertsona gehiago izan ditu azken 12 hilabeteetan, eta lanaldi partzialeko enpleguak, berriz, 40.000 gutxiago. Bestalde, enplegu mugagabea 539.700 pertsonatan hazi zen, eta aldi baterako enpleguak hazkunde apalagoa izan zuen, 17.200ekoa.



Gizarte Segurantzako afiliazioen datuek BAIk zenbatutakoen antzeko emaitzak erakusten dituzte. Hala, balio absolutuetan, Gizarte Segurantzaren afiliatutako pertsonen kopurua 127.608 jaitsi da aurreko hiruhilekoarekin alderatuta, eta 21.708.805 izan da (% -0,6). Urte arteko kopuruetan, aldakuntza positiboa da, % 2,3koa, hau da, urtebetean 492.267 enplegu sortu dira.



Bestalde, erregistratutako langabeziak berretsi egiten du enpleguaren gainerako adierazleetan ikusitako joera. Hala, 2026ko urtariletik martxora bitartean 2.433.800 langabe zeuden izena emanda, urte arteko % -6,1eko jaitsierarekin eta 2025eko lehen hiruhilekoan baino 157.200 langabe gutxiagorekin. Hiruhilekoko datuetan, ordea, ikusten da langabeen kopuruak gora egin duela, % 0,3 (2025eko azken hiruhilekoan baino 8.000 pertsona gehiago daude langabezia).


Prezioak eta soldatak

Prezioak eta soldatak HKNren aurrerapenaren datuen arabera, BPGa urteko prezioetan %6,0 hazi da 2026ko lehen hiruhilekoan, 2025eko azken hiruhilekoan baino zazpi hamarren gutxiago. Horrekin, ekonomiaren deflaktore inplizituak, prezioen igoeraren erritmoa neurtzen duenak, % 3,2ko urte arteko aldakuntza izan du, aurreko hiruhilekoan ikusitakoa baino zazpi hamarren txikiagoa hori ere. Hiruhileko arteko tasan, hazkundera % 0,5ekoa izan zen.

Apirileko KPI orokorra % 3,0tik gorakoa da urte arteko tasan. Apirileko KPIaren urteko aldakuntza-tasa bi hamarren jaitsi da martxoarekin alderatuta, % 3,2ra iritsi baita; beraz, ondoz ondoko bi hilabete dira % 3,0tik gora. Hilean, indize orokorrak % 0,4ko aldakuntza izan du. Bestalde, azpiko inflazio-tasa (kontsumo-saskiko produktu lurrunkorrenak kanpoan uzten dituenak, hala nola elaboratu gabeko elikagaiak eta produktu energetikoak) hamarren bat murriztu zen, % 2,8ra arte. Tasa harmonizatua % 3,5ekoa izan zen, euroguneko batez bestekoa (% 3,0) baino bost hamarren handiagoa.

Prezioen jaitsiera, batez ere, apirilean izandako elektrizitatearen eta erregaien merkatzeak eragin du, baita pakete turistikoaren prezioen igoerak ere, aurreko urteko hilabete berarekin alderatuta. Etxebizitza-taldearen kasuan, urteko tasa bi puntu baino gehiago jaitsi zen, % 1,9raino, eta aisia eta kultura taldea hiru puntu baino gehiago jaitsi zen, % 0,7raino.

Hala ere, elikagaien eta alkoholik gabeko edarien prezioek gora egin zuten, eta urte arteko tasa % 2,6koa izan zen. Gehien garestitu diren produktuen artean, behi-haragia, arrautzak eta lekale eta barazki freskoak nabarmentzen dira, azken hamabi hilabeteetan % 10,0 baino gehiago garestitu baitira horien prezioak. Aldiz, olioaren eta koipearen prezioa, baita fruta freskoena eta azukrearena ere, murriztu egin zen aldi berean.



Garraio prezioen urteko aldakuntza tasa puntu bat baino gehiago igo zen, % 6,5eraino, ibilgailu pertsonaletarako erregaien eta lubrifikatzailen prezioen igoeraren ondorioz, 2025eko hilabete berean izan zuten jaitsieraren aldean.

Bestalde, urte arteko datuei dagokionez, soldatapeko lanpostu baliokideko batez besteko ordainsaria % 3,8 hazi da hiruhilekoan, eta lan kostu unitarioa, berriz, % 3,9 igo da 2025eko urtarril-martxoarekin alderatuta (iazko azken hiruhilekoan baino sei hamarren gutxiago). Tasa hori ekonomiaren deflaktore inplizituaren hazkunde (% 3,2) baino zazpi hamarren handiagoa da.

Epe labur eta ertainerako ikuspegia

Nazioarteko Diru Funtsak (NDF), apirileko Munduko Ekonomiaren Aurreikuspen Txostenean, hazkunde ekonomiko globalaren dezelerazioa aurreikusten du, Ekialde Ertaineko gatazkaren ondoriozko ziurgabetasun handiak markatutako testuinguru batean.

Espainia ez dago aurreikuspen ekonomikoen beheranzko berrikuspen horretatik kanpo. 2026rako, kalkulatu du Espainiako ekonomia % 2,1era arte moderatuko dela, eta horrek esan nahi du bi hamarreneko beheranzko berrikuspena egingo dela urtarrilean argitaratutako txostenari dagokionez. Estimazio horien oinarria da gatazkaren iraupena eta irismena mugatuak izatea eta lotutako nahasmenduak 2026aren erdialdean desagertzea. Dezelerazio hori gorabehera, Espainiako ekonomiak eurogune osoak baino portaera dinamikoagoa erakusten jarraitzen du, eta ekonomia aurreratuen zati handi bat baino ez. Hala ere, Espainiako Estatuak merkataritza-tentsioen eta ziurgabetasun politikoaren ondorioak jasaten jarraitzen du.

Hazkunde txikiagoko egoera batean, NDFak presio inflazionisten gorakada aurreikusten du, eta inflazio orokorraren aurreikuspena % 3,0ra igoko da 2026an. Zenbatespen horiek berretsiz gero, Espainia hazkunde handieneko ekonomien artean egongo litzateke, baina baita inflazio-tasa handienekin ere, Europako Banku Zentralak (EBZ) prezioen egonkortasunerako ezarritako helburutik aldenduz.

Testuinguru horretan, NDFk aurreratzen du EBZk interes-tasak handitu ahal izango litzakeela 2026an zehar, guztira oinarritzko 50 puntutan (ehuneko 0,5 puntu). Bestalde, lan-merkatuari dagokionez, erakundeak aurreikusten du Espainiako langabezia-tasa % 9,8ra jaitsiko dela 2026an. Hala ere, herrialdeak euroguneko langabezia-tasa altuena izaten jarraituko du, batez beste % 6,2koa.

Europako Batzordeak, udaberriko proiektzio ekonomikoetan, uste du Espainiako jarduera ekonomikoak hazkunde-bideari eutsiko diola, baina erritmo motelagoan, eta BPGaren aurrerapenak % 2,4 izango direla 2026an eta % 1,9, 2027an. Jarduera ekonomikoak batez ere barne-eskarian oinarrituko da, lan-merkatuaren indarrak eta inbertsioaren dinamismoak lagunduta. Aitzitik, kanpo-sektorearen ekarpena ez da hain onuragarria izango. Bereziki, espero da esportazio garbiek hazkundera kenduko diotela BPGari 2026an, ondasun-esportazioei eragiten dien ziurgabetasunaren ondorioz; 2027an, berriz, ekarpena ia neutrala izango litzateke.



Erakundeak lan-merkatua pixkanaka apaltzea aurreikusten du, aurreikuspenen arabera jarduera ekonomikoak izango duen dezelerazioaren ildotik. Hala ere, langabezia-tasak beherantz jarraituko du: % 9,9koa izango da 2026an, eta % 9,6koa 2027an.

Prezioei dagokionez, Europako Batzordeak inflazio orokorraren gorakada aurreratu du, 2026an % 3,0ra iritsi arte, batez ere energiaren prezioen igoerak eta igoera horiek elikagaien eta industria-produktuen prezioetara pixkanaka transmititzeak bultzatuta. Bestalde, aurreikuspenen arabera, administrazio publikoen defizita BPGaren % 2,4an egonkortuko da 2026an, eta % 2,0ra murriztuko da 2027an. Era berean, BPGaren gaineko zor publikoaren ratioak jaisten jarraituko du, eta % 100etik jaitsiko da aurreikuspenaren denbora-horizontean.

Arriskuei dagokionez, Europako Batzordeak turismo-jardueraren desazelerazio posible bat identifikatzen du Espainiako ekonomiarentzat kalteberatasun-faktore nagusietako bat dela. Egoera horrek distantzia luzeko helmugetatik datozen turisten sarrerei eragin diezaieke bereziki, bidaia-kostuak handitzeagatik eta bidaiarekin lotutako beste etenaldi batzuegatik. Halaber, tentsio geopolitikoak eta ekonomikoak areagotzeak konfiantza narriatu eta sektore pribatuaren portaera zuhurragoa eragin lezake, eta horrek ondorio negatiboak izan ditzake enpresa-inbertsioan eta etxeetako kontsumoan.

Espainiako Bankuak, Espainiako Ekonomiari buruzko Hiruhileko Txostenean jasotako ekaineko proiektzio makroekonomikoetan, aldaketarik gabe eutsi die Espainiako ekonomiarako hazkunde-aurreikuspenei. Zehazki, 2026an BPGaren % 2,3ko eta 2027an %1,7ko aurrerapena aurreikusten du, hiru hilabete lehenago argitaratutakoen tasa berdinak.

Espainiako jarduera ekonomikoak hazkunde sendoa izan zuen 2026ko lehen hiruhilekoan (% 0,6 hiruhilekoen artean), baina moderazio-zantzuak agertzen hasi zen. Bigarren hiruhilekoari begira, adierazle koiuntural berrienetan oinarritutako aurreikuspen-ereduek adierazten dute % 0,5 eta % 0,6 arteko hazkundea izan dela lehen hiruhilekoarekin alderatuta.

Aurreikuspenen arabera, kanpo-eskari garbiak (esportazioak ken inportazioak) ekarpen negatiboa egingo dio Espainiako BPGaren hazkundeari 2026an, eta ia nulua izango da 2027an. Portaera horrek erakusten du esportazio garbiek gaitasuna galdu dutela Espainiako ekonomiaren hazkunde-motor gisa jarduteko, aurreko ekitaldiekin alderatuta.

Testuinguru horretan, jarduera ekonomikoaren aurrerapena barne-eskariaren sendotasunean oinarrituko da nagusiki. Kontsumo pribatua izango da aurrerapen horren funtsezko zutabea, eta kapital-eraketa gordinak ere lagunduko du, hedapen-erritmo sendoari eutsiko baitio.

Lan-merkatuari dagokionez, datozen urteetan enplegua sortzen jarraitzea aurreikusten da, erritmo motelagoan bada ere, jarduera ekonomikoaren aurreikusitako desazelerazioaren ildotik. Horren ondorioz, langabezia-tasak murrizten jarraituko du 2026-2027 aldian, baina jaitsiera ez da aurreko urteetan ikusitakoa bezain handia izango, enpleguaren sorreran dinamismo txikiagoa duelako.

Inflazioari dagokionez, kontsumo-prezioen indize harmonizatuaren (KPIH) bidez neurtuta, Espainiako Bankuak % 3,6ko tasak aurreikusten ditu 2026an, eta % 2,6koak 2027an; horrek esan nahi du goranzko berrikuspenak daudela aurreko zenbatespenekin alderatuta. 2026rako berrikuspenak energia-prezioen garestitzeari erantzuten dio batez ere, bai eta industria-ondasun ez-energetikoen eta zerbitzuen prezio handiagoei ere, energia-kostu handiagoak azpiko inflaziora partzialki eramaten diren testuinguru batean. 2027an, nahiz eta berrikuspen bat ere egin den gorantz, berrikuspen hori neurritsuagoa da. Kasu honetan, berrikuspena martxoan aurreikusitakoa baino energia-prezioen beherakada handiagoaren ondorio da, eta inguruabar horrek partzialki konpentsatzen du 2027rako aurreikusitako azpiko inflazio handiagoa.

Aurtengo ekaineko ELGaren Aurreikuspen Ekonomikoen arabera, oinarritzko agertokiak BPGaren % 2,2ko hazkundera aurreikusten du 2026an, eta % 1,7koa 2027an. Espainiako hazkundera barne-eskariak bultzatuko du, kontsumo pribatuaren dinamismoak lagunduta, eta lan-merkatuaren sendotasunean eta soldata errealean hazkundera oinarritzen jarraituko du. Era berean, inbertsioa bizkortzea aurreikusten da, bizitegi-eraikuntza berreskuratu ahala eta Europako funtsak gauzatu ahala. Aitzitik, kanpo-sektorearen ekarpenak jarduera geldiaraziko duela aurreikusten da, inportazioen hazkunde handiaren eta kanpo-eskariaren moderazioaren ondorioz.

Prezioen bilakaerari dagokionez, ELGAk kalkulatzeko du inflazio-tasa orokorra % 3,3koa izango dela 2026an, energiaren prezioen igoeraren ondorioz. Ondoren, tasa % 2,9ra jaitsiko da 2027an, energia-prezioen ondorioak diluitu ahala. Hala ere, gatazka Ekialde Ertainean luzatzen bada, energia-tentsioak areagotu litezke, presio inflazionistak luzatuz eta hazkunde ekonomikoari kalte eginez.

Espainiarako aurreikuspen ekonomikoak - 2026ko Maiatza

Urteko batezko besteko aldakuntza %

	BPGd	
	2026	2027
Nazioarteko finantzen analistak (NFA)	2,1	2,1
BBVA Research	2,4	2,4
CaixaBank Research	2,4	2,0
Espainiako Merkataritza Ganbera	2,3	2,0
Madrilgo Ekonomia Ikasketen Zentroa (CEEM-URJC)	2,1	2,0
Aurreikuspen ekonomikoaren Zentroa (CEPREDE-UAM)	2,4	2,0
CEOE	2,3	1,9
Ekonomia Taldea (Et)	2,4	2,1
EthiFinance Ratings	2,3	1,9
Funcas	2,2	1,8
Ekonomia Analisten Institutu Konplutensea (ICAE-UCM)	2,3	2,2
Ekonomia Ikasketen Institutua (IEE)	2,1	1,8
Intermoney	2,2	1,8
Mapfre Economics	2,1	1,9
Metyis	2,0	1,8
Oxford Economics	2,4	2,1
Repsol	2,1	1,8
Santander	2,3	2,0
Universidad Loyola Andalucía	2,1	1,8
ADOSTASUNA (BATEZ BESTEKOA)	2,2	2,0
Maximoa	2,4	2,4
Minimoa	2,0	1,8

Iturria: Funcas (2026ko maiatza)

Bestalde, energiaren prezioen igoeraren eragina geldiarazteko Gobernuak hartutako neurriek jardueraren dezelerazioa leuntzen eta prezioen gainera presioak partzialki mugatzen lagunduko dutela espero da. ELGAk adierazi du neurri horiek hobeto bideratu beharko liratekeela gizarte-talde kalteberetara, eta aldi baterako izan beharko liratekeela, energiaren prezioen igoerak gizartean duen eragina arintzeko, eta, aldi berean, zerga-kostuak mugatzeko. Azkenik, elektrizitate berriztagarriaren sorkuntzaren hedapena



aprobetxatzeko, lehentasunezkoztat jotzen du Espainiak sareko azpiegiturretan, interkonexio energetikoetan eta biltegitratze-ahalmenean inbertitzen jarraitzea.

EAEko KOIUNTURA

2026ko lehenengo hiruhilekoan, Eustatek apirilean argitaratutako Hiruhileroko Kontu Ekonomikoen aurrerapenak zenbatetsitako emaitzak berrestea lortu du Euskadiko ekonomiak.


EAEko produktua % 2,2 hazi da 2025eko lehenengo aldiarekin konparatuz (aldaketarik gabe apirilean zenbatetsitakoan), orduan % 2,1ekoa izan baitzen aurrerakada. Hiruhilekoei dagokienez, joan den urria-abendua aldiarekin konparatuz, EAEko BPG % 0,5.

Enplegua, lanaldi osoko gisa jotako lanpostuetan neurtuta, % 0,2 igo da urteko lehenengo hiruhilekoan, aurreko hiruhilekoaren aldean; halaber, urtetik urtera % 1,3ko hazkundera izan du.

Hiruhileroko Kontu Ekonomikoei berretsi dute barneko eskariak, publikoak zein pribatuak, jarduera bultzatu duela EAEn aurtengo urtarritetik martxora bitartean, eta kanpoko eskariak BPGren hazkunderari egindako ekarpena negatiboa izan dela. Barne-eskariak portaera sendoa dauka oraindik, kontsumoak etengabe hazten jarraitzen baitu, eta inbertsioaren urtetik urterako hedapena, berriz, % 4,8koa izan da. Aitzitik, kanpo-sektoreak emaitza negatiboa eduki du zalantzaz betetako nazioarteko testuinguru batean.

Eskaintzaren ikuspegitik, balio erantsiaren bilakaera positibo gertatu da urtetik urtera eraikuntzaren eta zerbitzuen sektoreetan; hiruhilekoen arteko kopuruetan, berriz, BPGren aurrerapena zerbitzuen portaera positiboari bakarrik zor zaio. Modu horretan, zerbitzuak bihurtu dira egungo sektorerik dinamikoena, eta eraikuntzak, berriz, hazkundera eta enpleguari egiten dioten ekarpen positiboa tinkatu du, nahiz eta duela hilabete batzuk baino intentsitate txikiagoarekin izan.

EAEko BPGren urtetik urterako hazkunde zenbatetsia 2026ko lehenengo hiruhilekoan, % 2,2 dena, Euroguneko ekonomiarako (% 0,8) eta Europar Batasun osorako (% 1,0) egindako azken zenbatespenaren gainetik dago. Apirilaren 30eko Espainiako Hiruhileroko Kontabilitate nazionalaren aurrerapenak, bestalde, urtetik urterako % 2,7ko hazkundera kalkulatu zuen Estatu osoan.



Lurraldeka, Bizkaia dago lehenengo hiruhileko honetako hazkundearen burualdean (% 2,3 urtetik urtera), eta atzetik doaz Araba eta Gipuzkoa, % 2,0an tokituta. Hiruhileko artean, Bizkaiko BPG % 0,5 hazi da, eta Arabakoa eta Gipuzkoakoa hamarren bat gutxiago (% 0,4).

Barne-eskaria

Barne-eskariak % 3,5 egin du gora urtetik urtera 2026ko urtarriletik martxora bitartean, BPGren guztizkoaren gainetik (% 2,2); beraz, kanpo-sektoreak aldi horretako hazkundeari egindako ekarpena negatiboa izan da berriro.

Barne-eskariaren osagai guztiek aurrera egitea lortu dute 2025eko lehenengo hiruhilekoarekin konparatuta, eta bereziki azpimarragarria da inbertsioaren aurrerapen handia, aurreko aldietan ere erakutsitako dinamika onean jarraitzen baitu.

Azken kontsumoko gastua % 3,0 hazi da urtetik urtera, hots, aurreko aldian baino lau hamarren gehiago (% 2,6) eta duela urtebete baino sei gehiago (% 2,4). Gastu publikoa (% 4,1) izan da hazkundea bizkortu duen osagaia, eta etxeetako azken kontsumoko gastua % 2,7an geratu da.

Hiruhileko artean, azken kontsumoaren gastua % 1,0 hazi da, 2025eko urritik abendura bitartean lortutako emaitza baino puntu erdi gehiago. Kontsumoaren azelerazio hori, batez ere, Administrazio Publikoen gastuaren aurrerapen handiagoak eragin du, % 2,1 hazi baita, 2025eko azken aldiko hiruhilekoko datua (% 0,2) baino ia bi puntu gehiago. Kontsumo pribatua, berriz, hamarren bat hobetu da: % 0,6tik % 0,7ra.

Kapital-eraketa gordinari dagokionez, kontsumoak baino dinamismo handiagoa dauka, eta urtetik urtera zein hiruhileko artean hazi bada ere, aurreko hiruhilekoan baino gutxiago hazi da. Hala, 2025eko urtarrila-martxoa aldiarekin konparatuta, inbertsioa % 4,8 hazi da (2025eko azken hiruhilekoan baino lau hamarren gutxiago igo da, % 5,2 izan baitzen), eta iazko laugarren hiruhilekoarekin alderatuta, % 0,3 igo da, iazko urria-abendua aldiko % 0,6ko igoera baino hiru hamarren gutxiago.

Kanpo-eskaria

Eustaten Hiruhilekoko kontuen arabera, kanpo-sektoreak EAEko ekonomia osoari egindako ekarpena negatiboa izan da urteko lehenengo hiruhilekoan; esportazioak % 1,4 jaitsi dira urtetik urtera, eta inportazioak % 0,5 hazi dira. Aurreko hiruhilekoaren aldean, biek egin dute atzera: - % 1,3 esportazioek eta -% 0,7 inportazioek.

Merkataritzako Estatu Idazkaritzaren datuek Eustatek adierazitako joera berretsi dute, eta 2026ko lehenengo hiruhilekoan esportazioek behera egin dute, inportazioek gora egin duten bitartean. Euskaditik kanpora egindako salmentek -%0,9ko atzerakada izan dute urtetik urtera, iazko lehenengo hiruhilekoaren aldean, eta, horrela, aurreko hiru hiruhilekoetako jaitsiera handiak neurri batean moteldu dira (-% 2,7 2025eko bigarren hiruhilekoan, -% 9,9 hirugarrenean eta -% 3,7 laugarrenean).

EAEko esportazioen urtetik urterako jaitsiera munduko gainerako herrialdeetarako salmentek eragin dute soilik, -%8,1 beheratu baitira; erkidego barruko entregak, berriz,



% 3,4 egin dute gora. Lurraldeka, esportazioek Bizkaian bakarrik egin dute aurrera (% 8,7), eta Araban (-% 11,7) nahiz Gipuzkoan (-% 0,6) jaitsi egin dira.

Urteko lehenengo hiruhilekoan, eta sektore handien artean, urtetik urterako aurrerapenak igarri dira hemen: ekipamenduko ondasunen esportazioetan, haiek izanik esportazio-sektore nagusia, kanporako salmenta guztien pisuaren % 38,4rekin (% 1,8 hazi da); elikaduraren sektorean, salmenten % 6,0 izanik, % 1,3 gehitu baita; eta produktu energetikoetan (% 4,7ko kuota) % 31,0 egin baitute gora, zenbait hiruhileko eraman ondoren beherakada larriekin. Aitzitik, erdimanufakturen esportazioak -% 7,4 jaitsi dira, bigarren sektore garrantzitsuena izanik hiruhilekoan, eta esportazioen guztizkoaren % 24,7ko kuota du. Automobilgintzak, ordea, esportazioen % 19,3 hartuta, -% 6,5 beheratu da.

Euskaditik egindako esportazioen norakoari dagokionez, esportazioen % 61,0 zazpi herrialdetan kontzentratzen dira, baina bi nabarmendu dira besteen gainetik: Frantzia eta Alemania, salmenten % 17,0 eta % 15,7 izanik, lehenengo postuan baitaude EAEko esportatzaileen rankingean. Urrunago kokatuta daude Estatu Batuak (% 6,2), Erresuma Batua (% 6,1), Italia (% 5,8), Belgika (% 5,2) eta Portugal (% 5,0). 2025eko aldi berean, eta euskal esportazioen helmuga nagusi gisa finkatuta, Frantzia (% 15,6) eta Alemania (% 14,8) ere bazeuden.

EAEko inportazioek haztea lortu dute 2026ko lehenengo hiruhilekoan; % 3,0, hain zuzen ere. Igoera hori erosketen ez-energetikoen igoeran oinarritu da, % 4,0ko igoerarekin, eta energetikoen, berriz, -% 0,3 egin dute behera.

Lurraldeka, Arabak (% 13,0) eta Bizkaiak (% 1,1) egindako inportazioak igo dira, eta Gipuzkoak (-% 3,7) egindakoak jaitsi dira.

Herrialdeka, Alemaniatik etorritako inportazioak nabarmentzekoak dira gainerakoen aldean, guztizkoaren % 13,2ko pisua baitute. Ondoren, ondasunen eta zerbitzuen hornitzaile nagusiak Frantzia (% 7,3), Txina (% 6,1) eta Japonia (% 5,9) dira. Produktu energetikoen erosketen dagokionez, hornitzaile nagusiak Errusia (% 18,3), Kuwait (% 15,7), Guyana (% 11,9), Mexiko (% 10,6) eta Saudi Arabia (% 9,2) dira.

Euskal merkataritza-balantzak, ohi bezala, saldo positiboa izan du, eta 2026ko lehenengo hiruhilekoan 474,3 milioi euroko superabita izan du. Datu horrek -% 37,1eko jaitsiera esan nahi du urtetik urtera 2025eko aldi berarekin konparatuta, inportazioak gehiagotu egin direlako esportazioen jaitsieraren aurrean.

Eskaintza

Eskaintzaren ikuspegitik, balio erantsiaren bilakaera eraikuntzaren sektoreak bultzatu du, eta, batez ere, zerbitzuenak, haiek baitira urtetik urterako igoerak lortu dituzten bakarrak. Euskal industriak nazioarteko testuinguru konplexu baten eragina jasaten jarraitzen du, eta urte hasieratik Estatu Batuen eta Iranen arteko gatazka gehitu zaio horri.


Eustaten HEKen datuek adierazi dute industriaren sektorean balio erantsia -% 0,3 jaitsi dela urtetik urtera (% 0,9ko igoera 2025eko azken hiruhilekoan), eta manufaktura-

industriaren kasuan $-0,2\%$ ko atzerakada izan dela ($0,8\%$ ko hazkunde aurreko hiruhilekoan). 2025eko laugarren hiruhilekoarekin alderatuta, bai industria osoa bai manufaktura-industria uzkuritu egin dira: $-1,1\%$ eta $-0,9\%$, hurrenez hurren (biek $0,7\%$ egin zuten gora aurreko hiruhilekoan).

Eraikuntzaren sektoreak, 2026ko lehenengo hiruhilekoan, balio erantsiaren $2,5\%$ ko igoera izan du urtetik urtera, balio errealetan, nahiz eta aurreko hiruhilekoarekin alderatuta $-1,5\%$ eko atzerakada jasan duen. Sektorea hiruhilekoan dinamikoa izan den arren, urtetik urterako aurrerapena 2025eko urria-abendua aldian erregistratutakoa baino txikiagoa da, $4,9\%$ hazi zenean.

Sektore nagusien artean, emaitzarik onenak zerbitzuen sektoreak lortu ditu; lehenengo hiruhilekoan, sektore horren jarduerak aurrera egin du, $2,9\%$ urtetik urtera eta $1,1\%$ hiruhileko batetik bestera. Bere hiru adarrek urtetik urterako bilakaera positiboa izan dute. Merkataritza, ostalaritza eta garraioa hazi dira gehien, $3,4\%$ urtetik urtera, ($3,2\%$ aurreko hiruhilekoan). Gainerako zerbitzuak ere neurri handiagoan igo dira; besteak beste, jarduera inmobiliarioek, profesionalek, zientifikoek eta teknikoei, baita finantzek eta aseguruak ere, eta $3,1\%$ hazi dira, aurreko hiruhilekoan baino hamarren bat gehiago. Administrazio publikoak, hezkuntzak, osasunak eta gizarte zerbitzuek $2,0\%$ egin dute gora, aurreko epealdiko $2,1\%$ baino gutxiago. Oro har, EAEko jarduerari dinamismo handiena ematen dion sektorea da, eta azpisektore guztiek aurreko epealdiko hiruhilekokoak baino hazkunde handiagoak dauzkate.

Azkenik, lehen sektoreak, Euskadin pisu erlatibo txikia duenak, $-0,7\%$ ko jaitsiera izan du, urtetik urtera, 2026ko lehenengo hiruhilekoan ($-1,2\%$ 2025eko urritik abendura), eta $-0,6\%$ hiruhileko artean.



Lan-merkatua

Eustateko HEKek adierazi dutenez, Euskadik enplegua sortzen jarraitzen du, eta zerbitzuak eta eraikuntza dira lan-merkatuaren martxa ona bultzatzen duten sektoreak.



Lanaldi osokotzat jotako lanpostuak % 1,3 hazi dira 2025eko lehenengo hiruhilekoarekin konparatuta (aurreko hiruhilekoko % 1,4 baino hamarren bat gutxiago), aurreko hiruhilekoaren aldean % 0,2 igo ostean. Aurreko hiruhilekoan bezala, EAEko enpleguen kopurua milioi bat pertsonatik gorakoa da. Hala, lanaldi osokotzat jotako 1.006.711 lanpostu zenbatu dira, iazko hiruhilekoan baino 2.497 gehiago gutxi gorabehera, eta duela urtebete baino 12.434 inguru gehiago.

BPGren bilakaerarekin bat etorriz, industrian lanpostuen atzerakada, urtetik urtera, -% 0,2koa izan da, hau da, aurreko hiruhilekoan baino -% 0,1 txikiagoa enplegu-maila. Enpleguaren bilakaera positiboa izan da eraikuntzan urtetik urtera (% 1,2ko gorakada), baina hiruhileko batetik bestera -% 0,9 egin du behera. Azkenik, zerbitzuen sektorean, lanaldi osokotzat jotako lanpostuen kopurua % 1,7 gehiagotu da urtetik urtera, hiruhileko batetik bestera % 0,4 aurrera egin ostean.

Eustaten BJAk okupazioaren etengabeko hobekuntza erakutsi du 2025eko aldi berarekin konparatuta (% 1,9), eta aurreko urteko hiruhileko bereko (% 1,0) nahiz aurreko hiruhilekoko (% 1,5) urtetik urterako aurrerapenak gainditu dira. Balio absolutuetan, 2025eko hiruhileko berean baino 18.700 pertsona landun gehiago daude, eta aldi horretan 1.013.600 dira guztira.

Hiruhileko artean, -% 0,3ko jaitsiera gertatu da okupazioan, aurreko hiruhilekoan % 0,6 hazi ondoren. Balio absolutuetan 2.700 landun gutxiago daude.

BJAren arabera, Euskadin 2026ko urtariletik martxora bitarteko biztanleria aktiboa % 0,3 hazi da aurreko hiruhilekoarekin konparatuta (3.200 pertsona aktibo gehiago), aurrekoan ia aldaketarik ikusi ez ondoren. Urte arteko kopuruetan, biztanleria aktiboak % 1,6 egin du aurrera, eta hirugarren aldia da jarraian gorantz. Guztira 1.086.900 pertsona aktibo dira 2026ko lehenengo hiruhilekoan.

Bi aldagaien baterako eraginak (biztanleria aktiboa eta biztanleria landuna) EAEko langabezia tasa % 6,7ra eraman du 2026ko lehenengo hiruhileko honetan, BJAren arabera: aurreko urteko aldi berean baino hiru hamarren gutxiago eta aurreko hiruhilekoan baino puntu erdi gehiago.

Generoaren arabera aztertuta, ondorioztatu daiteke tasa orokorraren hiruhileko arteko igoera bi sexuen artean banatzen dela: emakumeen langabezia tasa % 6,9ra iritsi da 2025eko laugarren hiruhilekoko % 6,5etik, eta gizonenei, berriz, bi hamarren gehitu zaizkio aldi berean (% 6,0tik % 6,6ra).

EINen Biztanleria Aktiboaren Inkestak erakutsi du Euskadin enplegu-sorrerak apur bat atzera egin duela urte hasiera honetan. Eraikuntza da okupazioa gehien bultzatu duen sektorea.

2026ko urtariletik martxora bitartean, EAEn bizi den biztanleria aktiboa 1.089.400 pertsonakoa da, eta urtetik urterako hazkundea % 1,3koa da. Hala ere, hiruhileko artean -% 0,2ko jaitsiera gertatu da. Biztanleria landunari dagokionez, 7.800 pertsona gehiago dira 2025eko lehenengo hiruhilekoarekin alderatuta, eta 999.800 unitate dira, urtetik urterako % 0,8ko igoerarekin. Hiruhilekoari dagokionez, -% 1,0 jaitsi da, eta 9.700 landun gutxiago ditu


Aurtengo lehenengo hiruhilekoan 89.600 langabe zeuden, hau da, urtetik urtera % 8,1eko gehikuntza antzeman da eta 6.700 langabe gehiago daude. Hiruhileko arteko datuetan % 9,5koa izan da langabeen hazkundera, aurreko hiruhilekoan baino 7.800 langabe gehiagorekin.

2026ko lehenengo hiruhilekoko langabezia tasa % 8,2an kokatu da, eta, beraz, BJAREN zenbatespenak ez bezala, aurreko urtekoa baino puntu erdi handiagoa da. Hiruhilekoen artean konparatuta, eta BJAK zenbatetsitakoarekin bat etorritik, langabezia-tasa aurreko hiruhilekoko baino handiagoa da (zazpi hamarren kasu honetan).

Generoaren arabera, 2026ko urtariletik martxora bitartean, langabezia tasa 2,2 puntu handiagoa da emakumeentzat gizonentzat baino, eta emakumeen tasa % 9,4ra iritsi da, aurreko hiruhilekoan baino zazpi hamarren gorago. Bestalde, gizonen langabezia-tasa % 7,2koa da, eta horrek esan nahi du zortzi hamarren igo dela 2025eko urria-abendua aldiarekin konparatuta.

Gizarte Segurantzaren datuek, Eustaten BJAK eta EINeren Biztanleria Aktiboaren Inkestak antzeko ibilbidea adierazi dute, hiruhilekoko atzerakadarekin, jardueraren hoztearekin bat datorren enplegu-sorreraren moteltzea adierazi duena eta urtetik urterako aurrerapena, oraindik ere lanpostuak aurreko aldietako antzeko erritmoarekin sortzen jarraitzen dutela adierazi duena. 2026ko lehenengo hiruhilekoan, urteko batez besteko kotizatzaileak 1.028.735 izan dira, % 1,0eko urtetik urterako gehikuntzarekin eta 2025eko aldi berean baino 10.454 afiliazio gehiagorekin. Hiruhileko datuei dagokienez, afiliazioek -% 0,6 egin dute behera, eta EAEn 6.115 landun gutxiago daude.

Estatuko Enplegu Zerbitzu Publikoaren (SEPE) arabera, 2026ko lehenengo hiruhilekoan 107.400 langabe zeuden Euskadin, aurreko hiruhilekoan baino % 0,2 gehiago (300 langabe gehiago) eta duela urtebete baino -% 1,2 gutxiago (2025eko urtarrila-martxoa aldian baino 1.300 langabe gutxiago). Langabezia-tasa % 9,5koa izan da 2026ko lehenengo hiruhilekoan, aurreko hiruhilekoan baino hamarren bat handiagoa.





Prezioen deflatoarea eta KPI

Euskal ekonomiaren deflatoareak moteldu egin du ekonomiaren hazkundera, prezioak oraindik ere maila altuetan jarraitzen dutelako. 2026ko lehenengo hiruhilekoan deflatoarea hiru- hamarren jaitsi da aurreko hiruhilekoaren aldean eta % 2,6an kokatu da.

Martxoan, inflazioak puntu bat egin zuen gora Euskadin, % 3,4ra iritsi arte, batez ere garraioan, elikaduran, pakete turistikoetan eta aseguruetan prezioak igo zirelako.

Maila altuan jarraitzen badute ere, elikagaien prezioak martxoan % 3,6-ra apaldu ziren, urte hasieran, urtarrian eta otsailean, % 3,9an eta % 4,5ean ikusi ondoren, hurrenez hurren. Etxebizitza da duela urtebete eskas inflazio handiena eduki zuen taldea, eta % 3,0ren azpitik mantendu da urtarritik geroztik (% 2,6 martxoan).

Halaber, garraioak gora egin zuen martxoan, % 5,2raino, bi hilabetez gorakada baxuak izan ostean (% 0,2 eta % 0,4); jatetxeen eta hotelen taldeak, ordea, hiru hilabete daramatza gorantz, eta martxoan % 5,5era iritsi da.

Gutxien igo diren taldeen artean, etxeko tresneriak (% 0,5) eta osasuna (% 1,8) aipatu behar dira. Azkenik, jantzien eta oinetakoen (-% 0,1) eta informazioaren eta komunikazioen (-% 0,4) prezioek soilik egin dute behera.

Bestalde, azpiko inflazioa % 3,0koa izan zen, aurreko datua baino hiru hamarren handiagoa eta indize orokorra baino lau hamarren txikiagoa.

Epe laburrerako aurreikuspenak

2026ko maiatzean, Eusko Jaurlaritzako Ekonomia eta Plangintza Zuzendaritzak euskal ekonomiaren aurtengo eta 2027ko hazkunde-aurreikuspenak berrikusi zituen.

Euskal ekonomiaren azterketak agerian utzi du barne-trakzio handieneko sektoreetan oinarritutako hazkunde-patroia, haiek, zerbitzuen protagonista izanik, ekitaldian zehar erritmo sendoari eta egonkorrari eutsi baitzioten, bai eta eraikuntzarena ere, inbertsioari lotutako bultzada gehigarria ekarri baitzuen.

Industriak, nazioarteko testuinguruak gehien ukitzen duenak, gorakada esanguratsua azaldu zuen 2025eko azken txanpan, zenbait hiruhilekotan hazkunde ia laua izan ondoren. Barne-portaera hobe horren aurrean, kanpo-sektoreak hazkunderaren kenketa izaten jarraitzen du, Europako bazkide batzuen ahuleziak eta merkataritza-tentsioek baldintzatuta, nahiz eta osaera aurreko ekitaldietan baino hobea izan.

2026. urteari dagokionez, EAEko ekonomiak % 2,2ko igoerarekin hasi da urtetik urtera urtarritik martxora bitartean, Eustatek ekainaren 5ean argitaratutako hiruhilekoko kontu ekonomikoen arabera. Datu horretatik abiatuta, aurreikusi da BPGa leunki motelduz joango dela urteko hurrengo hiruhilekoetan, eta 2026an % 1,9ko hazkundera lortzeko bidea emango duela.

Ekialde Hurbilean piztutako gatazka beliko berriaren ondorioz aurreko ekitaldian baino testuinguru kaltegarriagoan egon arren, barne-eskariaren bultzadari esker urtearen azken

txanpan sortutako bilakaera sendoak ahalbidetu egingo du EAEko ekonomiak hazten jarraitzea 2026an, erritmo nabarmenean. 2027an, euskal ekonomia hazi egingo da, baina % 1,6ko erritmo jarraituagoan.

BPGren aurrerapenak dezelerazio-patroiaren jarraipena islatzen du, Europako ekonomia nagusi gehienek hazkunde-tasekin bat egin arte, eta kontsumoaren, enpleguaren eta inbertsioaren ekarpen ez hain handia eginez.

Azken kontsumoko gastuaren hazkunde-ibilbidea, 2026an, 2025ekoa baino bost hamarren txikiagoa izango da (+% 2,0). Kontsumo pribatuaren bilakaera neurrizkoa izango da, lan-merkatu ez hain dinamikoaren eta soldata errealean susperraldi ahulagoaren ondorioz 2026ko lehenengo sei hilekoan, shock energetikoaren eraginez inflazioak gora egingo duela aurreikusi baita. Ildo beretik, epe laburrera produktu energetikoak ordezkatzeko zaila denez, arriskurik handiena datza inflazio iraunkor batek etxeko unitateen errenta errealearen galera sendotzea eragitean, eta aurreikusitako kontsumo-bidea okertzean.

2025eko bigarren erdian egindako inbertsioa izan zen ekonomiaren elementu dinamizatzaile nagusia, eta 2026an ere bilakaera-profil positiboa erakusten jarraituko du, nahiz eta Ekonomia Zuzendaritzak aurreikuspena pixka bat beherantz berrikusi duen. Euriborrarekiko hipotesiak berrikusteak (enpresentzako finantzaketa-kostu handiagoa dakarte), eta inbertsio-proiektu jakin batzuk aldi baterako eten ditzakeen ziurgabetasuna handitzeak, igurikimen okerragoak azalduko lituzkete. Halaber, Berreskuratze eta Erresilientzia Mekanismo (BEM) funtsekin finantzatzeko proiektuak amaitzeak ere eragiten du, neurri handi batean, inbertsioaren beheranzko ibilbidea.

Sektore esportatzailearen etorkizuneko bilakaerak ezegonkorra izaten jarraitzen du, eta 2026an esportazio garbieraren ekarpen negatiboa espero da (ehuneko -0,4 puntu), neurri handi batean, 2026ko lehenengo zatian inbertsio- eta kontsumo-ondasunen inportazioen barne-eskaera handiak eraginda, 2025eko azken hiruhilekoetako joeraren jarraipena izanik. Ildo beretik, 2027an barne-eskari ahulago baten igurikimena, bai kontsumoari, bai bereziki inbertsioari dagokionez, kanpo-sektorearen ekarpenarekin kitatuko da, eta ekarpen horrek negatiboa izaten jarraituko du, baina neurri txikiagoan. Gainera, Estatu Batuetako politika komertzialak sortutako nahasmenduaren ostean, nazioarteko gatazka gehiago ugaritzeak nazioarteko merkataritzaren zatiketan eragiten du, eta horrek epe ertaineko igurikimenak okertzen ditu.

Sektoreka, euskal industriaren testuinguruak zaila izaten jarraituko du 2026an, % 1,0etik beherako hazkundearekin, nahiz eta 2027rako aurreikuspenek hobetzen jarraitzen duten, Europako industriaren segmentu askok daukaten egiturazko egoera zailarekin alderatuta. Euskal industriaren zati handi bat eraldatuz eta erregai fosilak albo batera utziz joan den arren (eta, beraz, petrolioaren prezioekiko esposizioa ez da hain handia), sentikorra da energia elektrikoaren prezioekiko eta, beraz, gas naturalaren prezioekiko. Ekialde Hurbileko gatazkaren bilakaeraren arabera izango da etorkizuneko hazkunde-bidearen berrikuspena, bai eta euskal industriaren lehiakortasuna bermatuko duten erakundeek hartutako neurrien eraginkortasunaren arabera ere.


Eraikuntzaren sektoreak hazkunde handiko joerari eutsiko dio 2026an (% 2,6), eta erritmoa motelduko du 2027an (% 1,5). Euriborraren igoeraren ondorioz, hamarren bat beherantz



berrikusi da ekitaldi honetarako, abenduan igorritako aurreko aurreikuspenarekin alderatuta.

Zerbitzuen sektoreak EAEko gainerako ekonomiak baino azkarrago hazten jarraituko du (% 2,1), baina dezelerazioa nabarituko du urteak aurrera egin ahala, enplegu-sorrera ahulago bat dela arrazoi. Sektorearen irmotasuna gorabehera, egungo une korapilatsuak garraioarekin lotutako jardueri buruzko galderak pizten ditu, jarduerok, zalantzarik gabe, petrolioaren prezioen igoeren eragina jasan baitute.

Lan-merkatuari erreparaturik, enplegua, lanaldi osokotzat jotako lanpostuetan neurtuta, % 1,0 haziko da 2026an eta % 0,7 2027an, eta horrek 10.000 eta 7.000 enplegu inguru sortzea ekarriko du, hurrenez hurren. Horri gehitu behar zaio landunen bilakaera antzekoa izan dela, eta horri esker langabezia-tasa murrizten jarraituko dela, 2026an batez beste % 6,4an eta 2027an % 6,2an kokatu arte.



BIZKAIKO KOIUNTURA

Moteltzea eta ziurgabetasuna hedatuta daudela, Bizkaiko ekonomiak bere inguruko beste ekonomia batzuek baino hobeto eusten jarraitzen du. Neurritz bada ere, Eustaten Hiruhilekoko Kontuetako datuek urte arteko eta hiruhileko arteko hazkundeak daudela islatzen jarraitzen dute.


Hiruhilekoko kontuak berresten dute Bizkaiko BPGren hazkundera pixka bat moteldu dela urtariletik martxora, urte arteko terminoetan. Hala, 2026ko lehen hiruhilekoan, jarduerak % 2,3 egin du aurrera Bizkaian, aurreko aldiko emaitza baino hamarren bat gutxiago. Igoera handiagoa da Arabak eta Gipuzkoak lortutakoa baino (% 2,0). Hala, EAEko batezbestekoaren gainetik dago (% 2,2).

Hiruhileko datuetan, 2025eko azken aldiaren aldean, Bizkaiko ekonomia % 0,5 hazi da, aurreko aldian erregistratutako hazkunde maila berean. Bai Araba, bai Gipuzkoa, Bizkaian baino gutxiago hazi dira urtariletik martxora, % 0,4 bi kasuetan. Horrela, aurreko hiruhileko emaitza bera lortu dute (% 0,4), eta bi hamarren azpitik geratu dira (% 0,6), hurrenez hurren.

Uneko prezioetan, 2026ko lehen hiruhilekoan Bizkaiko BPGa % 5,1 hazi da urte artean, Arabakoa (% 4,7) baino lau hamarren gehiago eta Gipuzkoakoa (% 4,3) baino zortzi

hamarren gehiago. Hori dela eta, Bizkaiko deflatore inplizitua 2,77 puntukoa da, Arabakoa 2,60koa eta Gipuzkoan 2,27koa.

Bestalde, lurraldeko enpleguaren bilakaerak positiboa izaten jarraitzen du; izan ere, lanaldi osoko lanpostu baliokideetan hazkundeak izan dira: urte artean % 1,3 eta hiruhileko artean % 0,2.




Ekoizpena

Bizkaiko industriak gorantz jarraitzen du, eta hirugarren hiruhilekoan jarraian gora egin du, manufaktura industriaren bilakaera onak bultzatuta. Alde negatiboan, energia sektorearen aurrerapena moteldu egin da, eta manufaktura industriak, pisu txikiagokoa, oraindik ez du susperraldirik lortu.

Eustaten Industria Produkzioaren Indizeak (IPI), lan-egutegiko baldintza homogeneoetan, % 1,4 egin zuen gora Bizkaian 2026ko urtarriletik martxora, aurreko hiruhilekoan % 2,2 igo eta gero. Hilez hileko bilakaerari dagokionez, %2,3 eta %3,3 igoerekin hasi zuen urtea urtarrilean eta otsailean, hurrenez hurren; martxoan -%1,4 jaitsi zen. Hala ere, jarraian bost hiruhilekoz beherakadak izan ondoren, Bizkaia dagoeneko hiru hiruhileko daramatza jarraian hazten.

Lehen hiruhilekoan Bizkaia izan duen urte arteko %1,4ko hazkundera EAEko datu positibo bakarra da; izan ere, EAE osoan -% 2,0 jaitsi da, Gipuzkoako (-% 2,8) eta, bereziki, Arabako (-% 6,8) beherakadek eraginda.

Sektoreka, energia ekoizpena -% 2,7 jaitsi da, jarraian bost hiruhilekoz hazi ondoren. Bestalde, manufaktura industriak susperraldiarekin jarraitzen du eta %1,6 egin du gora (aurreko bi aldietan, hurrenez hurren, % 0,8 eta % 2,1 hazi zen). Azkenik, industria erauzleak, industria sektorean pisu erlatibo txikiagoa izan arren, ez du susperraldirik lortu, eta 2025eko azken bi hiruhilekoetan -% 4,9ko eta -% 9,9ko jaitsierarekin itxi ondoren, 2026a -% 21,9ko beherakadarekin hasi da.



Sektoreko okupazioari dagokionez, Gizarte Segurantzako afiliazioen datuen arabera, 2026ko lehen hiruhilekoan Bizkaian industrian lan egin duten pertsonak 73.500era igo dira (hil bakoitzeko azken eguneko batez bestekoa), duela urtebete baino % 1,3 gehiago (948 pertsona gehiago), eta 37 pertsona gehiago urritik abendura bitarteko aldiarekin alderatuta.

Adarren arabera aztertuz gero, urte arteko kopuruetan, afiliazioak hazi egin dira bai manufaktura industrian (% 1,2), bai, neurri handiagoan, energiaren, uraren eta erauzketaren ekoizpen jardueretan (% 7,5), sektorean lan egiten duten pertsonen % 2,3 soilik okupatu arren.

Lan-merkatuaren sektoreko okupazioari buruz inkestek orokorrean emaitza positiboak ematen dituzte. EINen BAI inkestaren arabera, Bizkaian industrian lan egiten duen biztanleriaren urte arteko hazkunde handia (% 10,9, 9.700 pertsona gehiago), duela urtebeteko % 11,9ko jaitsieraren aldean. Aurreko hiruhilekoaren aldean, -% 1,9 jaitsi da, 1.900 landun gutxiago. Era berean, Eustaten BJAk % 1,9ko eta 1.600 pertsonako urte arteko hazkundea aurreikusten du 2025eko urtariletik martxora. Azkenik, hiruhileko arteko % 0,2ko hazkundea izan du.

Eraikuntzaren sektoreak 2026aren hasieran bilakaera negatiboa izan du, batez ere lizitazio publikoaren beherakada nabarmenaren, interes-tasa altuen, egiturazko kostu handien eta lan esku espezializatua aurkitzeko zailtasunen ondorioz.

Seopanen arabera (Azpiegituren Enpresa Eraikitzaile eta Emakidadunen Elkartea), Bizkaian lizitazio ofizialak sektorearen etorkizuneko portaera aurreratzen du, eta 90,7 milioi eurokoa izan zen 2026eko lehen hiruhilekoan. Urte artean -% 77,2 jaitsi da 2025eko aldi berarekin alderatuta (orduan % 180,0 igo zen).


Beherakadarik handiena obra zibilean gertatu da; izan ere, -% 79,3 egin du behera. Bestalde, beste osagaiak, eraikuntzak, ere beherakada izan du, baina neurri txikiagoan (-% 74,7).

Sektore instituzionalen arabera, hiru talde nagusiek beherakadak izan dituzte. Administrazio zentralak lizitatutako obrek (-% 88,3) eta administrazio autonomikoak lizitatutakoek (-% 88,2) antzeko jaitsierak izan dituzte; tokiko administrazioak lizitatutakoek ere behera egin dute, baina neurri txikiagoan (-% 36,1).

Eraikuntzako lan-merkatuaren adierazleek emaitza oso positiboak izan dituzte. Gizarte Segurantzako afiliazioek zein INEren eta Eustaten inkestek urte arteko hazkundeak izan dituzte sektoreko afiliatuen eta landunen kopuruan.

Gizarte Segurantzako afiliazioek hazten jarraitzen dute urte arteko datuetan. 2026ko urtariletik martxora bitartean, 33.215 pertsonak lan egin zuten eraikuntzan Bizkaian, hau da, urte arteko % 0,6ko gehikuntza. Horrenbestez, hogeita bat hiruhilekotan jarraian egin da aurrera. Aurreko hiruhilekoarekin alderatuta, ordea, afiliazioek -% 1,6 egin dute behera.

Lan merkatuari buruzko inkesten arabera, urte artean zein hiruhileko artean hazkundeak egongo dira. EINen BAI inkesten datuek erakusten dute eraikuntzan okupazioak nabarmen egin duela gora. 2026ko urtariletik martxora, urte arteko igoera erregistratu da Bizkaiko okupazioan, % 32,8koa (8.600 langile gehiago sektorean). Hiruhilekoen artean ere gora egin du: % 2,7. Halaber, BJAk beste 2.600 langile gehiago zenbatu ditu 2026ko lehen hiruhilekoan, 2025eko aldi berean baino; beraz, % 8,1eko aurrerapena egon da. Azkenik, aurreko hiruhilekoaren aldean, % 8,8ko igoera espero da.



Bai Merkataritzak bai Zerbitzuek datu positiboak izan dituzte Bizkaian, Zerbitzuen Koiunturako Indizearen arabera.

Eustatek Bizkairako duen Zerbitzuen Koiunturako Indizea zerbitzuen sektorearen adierazlea da, eta hor sartzen dira handizkako eta txikizkako merkataritza, ibilgailuen salmentak eta konponketak eta bestelako zerbitzuak epigrafean bildutako sektoreak.

2026ko lehen hiruhilekoan, termino konstanteetan eta desestazonalizatueta, Bizkaiko merkataritza urte artean % 2,1 hazi zen, aurreko aldian -% 0,1 jatsi eta gero. Bestalde, zerbitzuak % 1,3 hazi dira, urritik abendura bitarteko aldiko aurrerapena baino hiru hamarren gutxiago. Aurreko hiruhilekoaren aldean Merkataritza % 0,7 hazi da eta Zerbitzuak % 0,2.

Merkataritzaren barruan, 2026ko urtariletik martxora, eta 2025eko aldi berarekin alderatuta, osagai guztiek aurrerapenak izan dituzte: Ibilgailu motordunen salmentak eta konponketak % 7,1 egin du gora; Handizkako Merkataritzaren Salmentek, lau alditan jarraian jaitsierak izan eta gero, % 1,3 egin dute gora, eta Txikizkako Salmentek, berriz, % 2,6. Beste zerbitzu batzuen atalean, urte arteko terminoetan, bai Ostalaritzak (% 3,8), bai



Jarduera profesional, zientifiko eta teknikoek (% 5,0) gainerako osagaietatik tira egiten dute, eta horiek atzerakada txikiak izan dituzte.

Balio arruntetan eta datu zuzenduekin, urte arteko ZKI Bizkaian, urtariletik martxora, % 3,1 hazi da Merkataritzaren atalean, eta % 4,3 Beste Zerbitzuetan.

2025eko lehen hiruhilekoan Bizkaian zerbitzuetan enplegatutako langileei dagokienez, sektoreko okupazioa neurtzen duen indizea % 1,2 igo da, eta % 1,1 urte arteko datuetan, bai termino gordinetan, bai urtaroen arabera bereizketarik egin gabe.

IN Eren Biztanleria Aktiboaren Inkestak dioenez, zerbitzuen sektoreko okupazioa -% 6,4 jaitsi da urtetik urtera, eta -% 1,4ko jaitsiera izan du hiruhilekotik hiruhilekora. Beste alde batetik, Eustaten BJAren arabera, enpleguaren urtetik urterako hazkundea 1,1 izan da, baina BA Irekin bat dator hiruhilekoen arteko datuetan, kasu honetan, -% 1,0ko jaitsiera adierazita.

2026ko lehen hiruhilekoan, 390.186 pertsona afiliatu dira batez beste Gizarte Segurantzaren Bizkaiko zerbitzuetan, urte arteko % 1,5eko igoerarekin. Horrela, urte arteko hazkundeak ondoz ondoko hogeitahiruhilekotan izan dira. Hala ere, hiruhileko batetik bestera -% 0,5 jaitsi da (% 3,2ko igoera aurreko aldian).

Hirugarren sektoreko jarduera-adarren arabera, 2026ko urtariletik martxora bitartean, afiliazioek urte arteko kopuruetan behera egin duten bakarra Merkataritza, Ibilgailuen konponketa, Garraioak eta Ostalaritza izan da: -% 2,6. Gainerakoan, honako aurrerapen hauek lortu dira 2025eko lehen hiruhilekoarekin alderatuta: Informazioa eta komunikazioak (% 0,3); finantza eta aseguru jarduerak (% 2,4); higiezin jarduerak (% 35,9); jarduera profesionalak, zientifikoak eta teknikoak (% 1,8); zerbitzu osagarriak (% 2,1); administrazio publikoa, hezkuntza eta osasuna (% 1,4); jarduera artistikoak eta aisialdikoak (% 5,8); eta beste zerbitzu batzuk (% 28,6).

Barne-eskaria

Urtetik urtera, kontsumoak, bai uneko prezioetan, bai prezio konstanteetan neurtuta, etenik gabe hazten jarraitzen du 2021eko bigarren hiruhilekotik.

Eustatek hiru hilean behin egiten duen Txikizkako Merkataritzaren Indizearen (BMIt) arabera, prezio korranteetan eta termino zuzenduetan, kontsumoa % 3,8 hazi da 2026ko urtariletik martxora urte artean, aurreko aldiaren % 3,5en azpitik. Urteko lehen tartearan aurrerapena Gipuzkoakoa (% 5,2) eta Arabakoa (% 5,9) baino txikiagoa izan da.

Talde nagusi guztiek hazten jarraitzen dute: elikadurak (% 5,2), gainerako produktuen txikizkako merkataritzak (% 1,7) eta automobilgintzarako erregaien salmentak (% 11,1). Azken horrek joera aldaketa berretsi du, eta dagoeneko jarraian lau hiruhileko daramatza hazkundera.

Halaber, bolumenari eta prezio finkoei dagokienez, Bizkaiko BMIt % 2,6 hazi da urte batetik bestera (% 2,7 aurreko aldian). Aldi berean, kontsumoa neurri handiagoan igo da Gipuzkoan eta Araban, % 3,9ko eta % 4,8ko aurrerapenekin, hurrenez hurren.


Sektoreka, Bizkaiko elikadura % 2,4 hazi da duela urtebeteko aldi beraren aldean, eta gainerako ondasunen kontsumoa % 2,0; automobilgintzarako erregaien salmenta, halaber, % 12,1 igo da.

Garraio eta Mugikortasun Jasangarriaren Ministerioaren datuen arabera, 2025ean Bizkaiko etxebizitza-transakzioek % 13,4ko igoera izan ondoren, horiek eten egin dute 2026ko lehen hiruhilekoko joera positiboa, urte arteko -%16,6 jaitsi baita, guztira aurreko urteko aldi berean baino 596 etxebizitza gutxiago transmititu baitira.

Bizkaiko turismo sektoreak hazten jarraitzen du urtearen hasieran, nahiz eta erritmo motelagoan.

INEn arabera, 2026ko lehen hiruhilekoan Bizkaiko hotel-establezimenduetan ostatu hartu duten bidaiarien kopurua % 3,7 hazi da (324.541 sarrera, duela urtebete izandako 312.954 sarreraren aldean). Horrek esan nahi du jarraian laugarren hiruhilekoz hazi dela, urtebete lehenago izandako beherakada txikiaren ondoren (-% 3,8). Estatuko turismoaren igoera (% 4,8) atzerrikoa baino handiagoa da (% 1,6).

Bestalde, Eustaten Establezimendu Turistiko Hartzaileen Inkestak (ETHI), EINen datuen aldean, aurrerapena erakusten du, eta kalkulatzeko 2026ko urtariletik martxora Bizkaian sartu zen bidaiari kopurua % 2,0 hazi zela (330.846 sarrera, eta aurreko urtean 324.395 sarrera izan ziren), 2025eko aldi bereko % 3,9 baino igoera handiagoa. Gaualdiak % 3,7 hazi dira urte batetik bestera, eta bai hauetan, bai bidaiarien kasuan, EINek esperotakoaren kontra, atzerriko turismoa Espainiakoa baino azkarrago hazi da.



2026ko lehen hiruhilekoan Bizkaiko landa turismoak gora egin du berriro: horrelako establezimenduetan bidaiarien sarrerak % 5,5 egin du behera, eta gaualdiak % 9,7. Emaitza positibo horiek duela urtebetekoekin kontrastatzen dute; orduan -% 26,5eko eta -% 31,8ko beherakadak izan zirelako, hurrenez hurren. Era berean, aurreko hiruhilekoan gaualdiak -% 5,3 jaitsi ziren.



Bizkaiko turismoen salmentak, 2022ko datu txarren ondoren, emaitzak hobetzen hasi ziren 2023tik aurrera. 2025a bereziki urte ona izan zen, urte osoan urte arteko % 14,5eko hazkundera erregistratu baitzen. 2026ko urtariletik martxora, berriz ere, gora egin du, % 7,4; hau da, 4.084 auto matrikulatu dira, duela urtebete baino 281 gehiago. Aurreko hiruhilekoaren aldean, aldiz, -% 12,8 jaitsi da.

Zama-ibilgailuen matrikulazioari dagokionez, urte arteko terminoetan, 2026ko lehen hiruhilekoan urte arteko % 22,2 egin du gora. Horrela, lau hiruhilekotan jarraian egin du gora. Hiruhilekotik hiruhilekora % 9,8 igo da.

Kanpo-eskaria

Lurraldeko esportazioek hazkunde nabarmenarekin hasi dute 2026. urtea, Euskal Autonomia Erkidegoan eta Estatuan izandako bilakaera ahulagoaren aldean. Horrela, aurreko aldietako joera negatiboa irauli dute.

Industria, Merkataritza eta Turismo Ministerioaren Merkataritzako Estatu Idazkaritzaren (SEC) arabera, Bizkaitik kanpora egindako salmentak 2.912,7 milioi izan dira urtariletik martxora bitartean, duela urtebete baino 233,0 milioi euro gehiago, hau da, urte arteko % 8,7ko igoera. Bizkaiko Lurralde Historikoko emaitzek ez zioten jarraitu Euskadik eta Estatuak lortutako joera berari, azken horiek -% 0,9 jaitsi eta % 0,7 igo zirelako, hurrenez hurren.


Produktuen arabera, nabarmentzekoa da produktu energetikoen salmenten hazkundera; % 28,9 igo dira, eta salmenta guztien % 11,7 dira. Automobilgintzak ere gora egin du (% 19,7, guztizkoaren % 13,8). Lehengaiak, esportazioen % 2,9 izanik, aparteko hazkundera izan dute (% 84,9), eta kontsumo manufakturrek, guztizkoaren % 2,5 izanik, % 43,7 egin dute gora. Hazkunde apalagoak izan dituzte erdilanduek (% 4,5) eta ekipo ondasunek (% 6,4), esportazioetan pisu handiena duten bi osagaiak (% 30,0 eta % 28,7ko kuota, hurrenez hurren), baita elikagai produktuek ere (% 0,1), esportazio guztien % 8,5 baitira.

Bizkaiko esportazioak, ohi bezala, zortzi herrialdetan kontzentratzen dira, guztizkoaren % 69,0 hartzen baitute. Helmuga ustiatzaile nagusiak Frantzia eta Alemania dira, kuotaren % 16,3 eta % 14,9 batuz, hurrenez hurren. Hirugarren tokian Erresuma Batua dago (% 8,8), eta haren atzetik Belgika (% 7,9), Italia (% 6,3), Ameriketako Estatu Batuak eta Herbehereak (bietan % 5,3), eta Portugal (% 4,1).

Inportazioek, guztira, 3.759,4 milioi eurekin 2026ko lehenengo aldian, gora egin dute urte arteko datuetan (% 1,1). Erdilanduak, guztizkoaren % 26,0 izanik, izan dira hazkundera bultzatu dutenak, % 8,3ko igoerarekin. Halaber, automobilgintzako erosketek ere gora egin dute (% 13,2), guztizkoaren % 2,5 direlarik, baita beste manufaktura batzuek ere (% 13,9), % 0,4ko kuotarekin. Behera egin dute, ordea, produktu energetikoen inportazioek (-% 0,2); kanpotik egindako erosketa guztien osagairik garrantzitsuena dira, guztizkoaren % 42,0 baitira. Ekipamendu ondasunek ere behera egin dute (-% 3,1), % 14,7ko pisu erlatiboarekin; elikagaiek -% 3,6 egin dute behera (gustizkoaren % 7,6); eta lehengaiak -% 6,3 (kuotaren % 4,3).

Produktu energetikoak soilik kontuan hartuta, 2026ko lehen hiruhilekoan jatorrizko herrialde nagusia Mexiko izan da (% 15,7), eta haren atzetik Estatu Batuak (% 12,9), Guyana (% 9,6) eta Errusia. Azken hori, Ukrainaren inbasioaren aurretik energia-hornitzaile nagusia zena, laugarren tokian ageri da gaur egun, % 9,0ko kuotarekin.

Produktu energetikoak kontuan hartzen ez baditugu, lau hornitzaile nagusiak Alemania (% 12,9), Txina (% 8,7), Frantzia eta Irlanda (% 8,2 azken biak) eta dira. Hauen atzetik, alde txikiarekin, Herbehereak (% 7,7) eta Italia (% 5,9) daude. Estatu Batuak, % 4,4ko kuotarekin, zazpigarren tokian agertzen dira sailkapenean.



Bizkaiko merkataritza-balantza negatiboa izan zen urteko lehen hiruhilekoan (-846,7 milioi euro), ohi bezala, 2020ko azken hiruhilekoan eta 2021eko lehenengoan izan ezik, orduan esportazioak inportazioak baino handiagoak izan baitziren, eta horrek merkataritza-saldo positiboa ekarri zuen. Merkataritza-balantza energetikoak, Bizkaian beti negatiboa Petronorren inportazioen ondorioz, 2026ko urtariletik martxora bitartean -% 6,1 egin du behera saldo negatiboan. Merkataritza-balantza ez-energetikoa positiboa da 2007tik, eta 2026ko lehen hiruhilekoan, % 40,6 igo da, aurretik sei hiruhiruhilekoetan jaitsiera nabarmenak izanda.

Lan merkatua

2026. urtea urtetik urtera sendo mantentzen den lan merkatu batekin hasi da, nahiz eta moteltze zantzuak erakusten hasi den eta adierazleen artean desberdintasunak agertzen diren.

Hiruhilekoko ekonomia-kontuen arabera, 2026ko lehenengo hiruhilekoan, Bizkaiko ekonomian, lanaldi osoko lanpostu baliokideak 505.358 izan dira; beraz, % 0,2ko igoera egon da aurreko hiruhilekoaren aldean, 765 langile gehiago. Urte arteko datuei dagokienez, igoera % 1,3koa izan da, eta 6.544 lanpostu berreskuratu dira 2025eko urtarrila-martxoa aldiarekin alderatuta.

BJAren eta BAiren datuek zenbatespen desberdinak eskaintzen dituzte; hala ere, biek adierazten dute langabezia tasa apur bat jaitsi dela duela urtebetekoarekin alderatuta, eta aurreko hiruhilekoan erregistratutakoak baino handiagoak direla.

BAiren arabera (INE), Bizkaian biztanleria aktiboa -% 0,3 jaitsi da 2026ko lehen hiruhilekoan, 2025eko azken hiruhilekoarekin alderatuta, eta -% 1,1 2025eko aldi berarekin alderatuta. Gainera, urtariletik martxora bitartean biztanle landunen kopurua




-%0,8 jaitsi da hiruhileko artekoan, eta -%0,9 aurreko urteko aldi berarekin alderatuta. Eraitza gisa, biztanleria langabetua % 4,6 igo zen hiruhileko artean, eta -% 2,7 jaitsi urte artean.

EINen inkestan ez bezala, Eustaten BJAk biztanleria aktiboaren urte arteko igoera izan du 2026ko urtariletik martxora bitartean (% 1,7) eta hiruhileko arteko datuetan % 1,1 igo. Lanean ari diren biztanleei dagokienez, urteko lehen hiruhilekoan 519.000 landun daudela zenbatetsi da; beraz, urte artean % 1,8ko gorakada gertatu da eta hiruhileko artean % 0,1eko jaitsiera. Horrela, 44.800 langabe egon dira; duela urtebete 44.400 zirenez, % 0,9ko igoera egon da. Hiruhileko artean, aldiz, langabeen kopurua % 17,0 igo da.

BAIk lehen hiruhilekoko langabezia tasa % 7,9an kokatzen du; horrela, duela urtebeteko % 8,0ko tasa hobetu du, baina aurreko aldiko % 6,9koa gainditzen du. BJAk, berriz, aldi bererako langabezia tasa % 8,5ean ezartzen du. Horrek ere 2025eko lehen hiruhilekoko tasa (% 8,7) hobetzen du, baina 2025eko azken hiruhilekoan erregistratutakoa (% 8,1) baino handiago da.

Generoa kontuan hartuta, BJAren arabera, lehenengo hiruhilekoan Bizkaiko langabezia-tasa % 7,7koa izan da emakumeengan, eta % 8,2koa gizonengan. Horrek adierazten du puntu erdiko aldea egon dela gizonen alde. Duela urtebeteko lehen hiruhilekoarekin alderatuta, non langabezia tasa % 8,0koa baitzen emakumeentzat eta % 7,9koa gizonentzat, emakumeek lan merkatuan duten egoerak hobera egin duela ikus daiteke. Azkenik, aurreko aldian, tasak % 6,6koak izan ziren emakumeentzat eta % 7,1ekoak gizonentzat.



Gizarte Segurantzaren eta SEPEren datuek hobekuntza txikiak erakusten dituzte urte arteko alderaketan; izan ere, afiliatuen kopuruak gora egin du, eta langabeen kopuruak behera.

Horrela, 2026ko lehen hiruhilekoan, eta batez besteko terminoetan, Bizkaian Gizarte Segurantzako afiliazioak 518.325 izan ziren, urte arteko % 1,1eko hazkundearekin, Euskal Autonomia Erkidego osoak lortutakoa baino hamarren bat gehiago (% 1,0) eta Estatuko % 2,3ren azpitik puntu bat baino gehiago. 2026ko urtariletik martxora bitartean aurreko hiruhilekoan baino -% 0,5 afiliazio gutxiago egon dira (2.750 afiliazio gutxiago).

Ildo beretik, Estatuko Enplegu Zerbitzu Publikoak (SEPE) 60.577 langabe zenbatu ditu aurtengo urtariletik martxora bitartean (2025eko aldi berean baino 780 gutxiago), eta

horrek esan nahi du $-1,3\%$ ko jaitsiera izan dela. Halaber, erregistratutako langabeziak behera egin du bai EAE ($-1,2\%$), bai, neurri askoz handiagoan, Estatu osoan ($-6,1\%$).

Sektoreka, Bizkaian eta 2025eko lehenengo hiruhilekoan, SEPEn inskribatutako biztanle guztietatik 42.792 zerbitzuen sektoreko aurreko enplegu batetik zetozen (guztirakoaren $70,6\%$), 5.336 industriatik (guztirakoaren $8,8\%$), 3.421 eraikuntzatik (guztirakoaren $5,6\%$), 984 lehen sektoretik (guztirakoaren $1,6\%$) eta gainerako 8.044k ez zuten aurreko enplegurik (guztirakoaren $13,3\%$).

Guztiarekin ere, Bizkaian urtariletik martxora erregistratutako langabezia-tasa $10,5\%$ koa izan da (duela urtebete $10,7\%$ zen). EAE osoaren $9,5\%$ ekoaren eta Espainiako ekonomiaren $10,1\%$ ekoaren gainetik dago. Langabezia-tasa txikiena erregistratuta duen sektorea industria izan da ($6,8\%$), eta atzetik datoz eraikuntza ($9,3\%$) eta zerbitzuak ($9,9\%$). Garrantzi erlatibo txikia duen lehen sektorean, langabezia-tasa $32,3\%$ koa da.

Ekonomiaren finantzaketa eta sozietateen demografia

Hipoteka merkatuak dinamismo galera nabarmenarekin hasi du 2026. urtea eragiketa kopuruari dagokionez. Hala ere, finantzatutako zenbateko osoak maila altuetan jarraitzen du, aurreko urtean izandako bultzadaren ondoren jarduera moteldu dela erakutsiz. Bizkaian, eraturako hipoteken kopurua $-15,7\%$ jaitsi zen urtetik urtera hiruhileko honetan, eta, beraz, 2024ko hirugarren hiruhilekoan hasitako goranzko joera amaitu zen.

Aldi horretan kontratatutako hipoteken zenbateko osoa 740 milioi eurokoa izan da, 2025eko aldi berean baino 53 gehiago ($7,7\%$ ko hazkundea). Mantendu egin da 2024ko azken hiruhilekoan hasitako bultzada, hazkundea moteldu den arren, EAEko igoerarekin bat ($4,9\%$).

Bizkaian merkataritza-sozietateak eratzeari dagokionez, 2026ko lehen hiruhilekoan 626 enpresa sortu ziren, aurrekoan baino 37 gehiago eta duela urtebete baino 65 gehiago. Horrek esan nahi du urte arteko hazkundea $11,6\%$ koa izan zela. Horrela, enpresa kopuruak 2022ko hirugarren hiruhilekotik erakutsi duen joera positiboari eusten dio, 2025eko lehen hiruhilekoa izan ezik. Hala ere, harpidetutako kapitala nabarmenki jaitsi da, $-58,6\%$ eta urte batean 59,3 milioi eurotik 24,5 milioi eurora igaro da. Hazkunde horrek iturburu izan du aurreko hiruhilekoan izandako hazkunde are handiagoa ($592,4\%$).

Bestalde, 2026ko urtariletik martxora bitartean kapitala handitu zuten sozietateen kopurua $6,3\%$ igo zen. Igoera hori gorabehera, handitze-eragiketa horietan harpidetutako kapitala nabarmenki jaitsi zen, $-59,8\%$

Azkenik, 2026ko lehenengo hiruhilekoan desagindako sozietateen kopurua $-9,9\%$ gutxitu zen aurreko urteko aldi berarekin konparatuta, eta duela urtebete baino 29 desagite gutxiago erregistratu ziren.

Prezioen deflatoarea eta KPI

Hiruhilekoko ekonomia-kontuen datuen arabera, Bizkaiko prezio arrunteko BPGd-a 13.460,5 milioi eurokoa izan da 2026ko lehenengo hiruhilekoan, duela urtebete baino



655,8 milioi gehiago, hau da, urte arteko % 5,1eko aurrerapena. Horrez gain, BPG indizearen bolumenaren hazkunde zenbatetsia % 2,3koa izan da eta, hortaz, azken hiruhilekoan, prezioen deflatoarea % 2,8koa izan da.

2026. urtea prezioen nolabaiteko moteltzearekin hasi zen, baina joera hori eten egin zen Ekialde Hurbileko gatazka piztu zenean. Inflazio-tasek, 2026ko lehenengo hiruhilekoan zehar, goranzko joera erakutsi dute, urtarrilean % 2,6 izatetik martxoan % 3,7 izatera igaro baitira.

Horrela, urtarrilean eta otsailean prezioek urte arteko % 2,6ko eta % 2,7ko aldaketa tasak erregistratu zituzten, hurrenez hurren; 2025eko azken lau hilabeteetan, berriz, tasa ez zen % 3,0tik jaitsi.

Hala ere, martxoan prezioek nabarmen egin zuten gora, % 3,7raino (2025eko martxoan puntu bat gutxiago hazi ziren, % 2,7). Apirilean hamarren bat jaitsi ziren, % 3,6raino (2025eko apirilean KPlaren igoera % 2,5koa izan zen), eta beste hamarren bat maitatzean, % 3,5ean geratuz (duela urtebete % 2,4koa izan zen).

Maiatzeko datua laguntza neurriek eta elektrizitatea merkatzea eragin zuen urtarokotasun jakin batek bultzatu zuten; hala ere, erregaien prezioek gora egiten jarraitu zuten. Inflazio presio txikiago hori azpiko inflazioaren bilakaerari esker izan zen, elikagai landuen eta, batez ere, industria ondasunen prezioen neurritasunak lagunduta.

Erregaien prezio altuak garraioen inflazioa gorantz bultzatzen jarraitzen du. Bizkaian, garraioen prezioak urte arteko % 7,2 igo ziren maitatzean; 2022ko azarotik izandako baliorik handiena da, urte hartan Errusiak Ukraina inbaditu izanak energia prezioak garestitu baitzituen. Gainera, Estatuko datua baino bi hamarren txikiagoa da (% 7,4).

Ostalaritzako eta jatetxeetako prezioek ere gora egiten jarraitzen dute, eta maitatzean urte arteko % 5,2ko igoera izan dute, 2025eko maitatzean erregistratutako igoera (% 3,8) baino nabarmen handiagoa. Apirileko gorakada, % 5,6ra iritsi zenean, 2023ko azarotik izandako handiena izan zen.

Bestalde, elektrizitatearen prezioen beherakadarekin lotuta, etxebizitzaren prezioen hazkundera moteldu egin da, % 1,8koa izan baita; martxoan erregistratutako % 3,7ko tasatik 1,9 puntu beherago.

2026ko maitatzera arte erregistratutako eta 2026an ondorio ekonomikoak izan dituzten hitzarmenen negoziazio kolektiboak 64.434 pertsonari eragiten die Bizkaian, eta, horren ondorioz, Bizkaiko soldata-igoera % 3,29koa izan da (2025eko maitatzera arte erregistratutako % 5,67aren azpitik). Bizkaiko hazkundera Estatu osoan kontabilizatutakoaren (% 3,0) eta EAEn erregistratutakoaren (% 3,41) artean kokatzen da.

Epe laburreko aurreikuspenak

Joan den maitatzean, Eusko Jaurlaritzako Ekonomia eta Plangintzako Zuzendaritzak EAErako hazkunde-aurreikuspenak berrikusi zituen: % 1,9 2026rako eta % 1,6 2027rako.

Bizkaiko BPGd-aren hazkundeak ez luke oso urrun egon behar EAE osorako zenbatetsitaketatik, kontuan hartzen badugu lurraldeko ekonomia EAEko ekonomia osoaren % 50 baino zertxobait gehiago dela.

Euskal ekonomiaren hazkundera 2026rako dezelerazio-patroiarekin jarraitzea aurreikusten da, Europako ekonomia nagusi gehienek hazkunde-tasekin bat egin arte, eta kontsumoaren, enpleguaren eta inbertsioaren ekarpen ez hain handia eginez. Ekialde Hurbilean piztutako gatazka beliko berriaren ondorioz aurreko ekitaldian baino testuinguru kaltegarriagoan egon arren, barne-eskariaren bultzadari esker urtearen azken txanpan sortutako bilakaera sendoa ahalbidetu egingo du ekonomiak hazten jarraitzea.

Azken kontsumoaren gastuak gorantz jarraituko du, hala ere, kontsumo pribatuaren bilakaera neurritzakoa izango da, lan-merkatu ez hain dinamikoaren eta soldata errealek susperraldi ahulagoaren ondorioz 2026ko lehenengo sei hilabeteetan, shock energetikoaren eraginez inflazioak gora egingo duela aurreikusi baita. Ildo beretik, epe laburrera produktu energetikoak ordezkatzeko zaila denez, arriskurik handiena datza inflazio iraunkor batek etxeko unitateen errenta errealearen galera sendotzea eragitean, eta aurreikusitako kontsumo-bidea okertzean.

Esportazioen sektorearen etorkizuneko bilakaerak ezegonkorra izaten jarraitzen du, eta 2026rako esportazio garbieraren ekarpena negatiboa izatea espero da. Gainera, Estatu Batuetako politika komertzialak sortutako nahasmenduaren ostean, nazioarteko gatazka gehiago ugaritzeak nazioarteko merkataritzaren zatiketan eragiten du, eta horrek epe ertaineko igurikimenak okertzen ditu.

Industriari dagokionez, testuinguruak zaila izaten jarraituko du 2026an, % 1,0etik beherako hazkundearekin, EAE osorako, nahiz eta 2027rako aurreikuspenek hobetzen jarraitzen duten, Europako industriaren segmentu askok daukaten egiturazko egoera zailarekin alderatuta. Ekialde Hurbileko gatazkaren bilakaeraren arabera izango da etorkizuneko hazkunde-bidearen berrikuspena, bai eta euskal industriaren lehiakortasuna bermatuko duten erakundeek hartutako neurrien eraginkortasunaren arabera ere.

Lan merkatuari dagokionez, enplegua, lanaldi osoko baliokide diren lanpostuen arabera neurtuta, % 1,0 haziko da 2026an eta % 0,7 2027an (EAE osorako egindako zenbatespenen arabera). Horri gehitu behar zaio landunen kopuruaren bilakaera antzekoa izango dela; horrek aukera emango du langabezia tasa murrizten jarraitzeko 2026an eta 2027an.

Lurrunkortasuna eragin dezaketen elementuen artean, alde batetik, euskal ekonomiak kanpo merkataritzarekiko duen mendekotasuna dago; horrek ekonomiaren bilakaera mundu mailako gorabeheren mende jartzen du. Bestetik, merkataritza-bazkide nagusiek Europan izan duten bilakaera ekonomikoaren eragina gertutik jarraitu beharreko faktore erabakigarria da.

Enpleguaren indarra eta kanpo-sektorea pixkanaka suspertzea funtsezkoak izango dira Bizkaiko ekonomiaren ibilbide positiboa mantentzeko.

Ekonomiaren Abagunearen Adierazkarien Laburpena

Urtetik urterako ald%



	Iturria	Epealdia	Bizkaia		Euskadi		Espainia	
			2025	2026	2025	2026	2025	2026
BPG BOLUMINA*	Eustat/INE	I Hiruhilekoa	2,1	2,3	2,1	2,2	3,1	2,7
BPG NOMINALA*	Eustat/INE	I Hiruhilekoa	4,5	5,1	4,6	4,8	5,4	6,0
EKOIZPENA								
-I.E.I. Orokorra zuzenduta	Eustat/INE	Urtarrila-martxoa	-0,8	1,4	-2,0	-2,0	-0,7	0,1
-Landunak Guztira	INE	I Hiruhilekoa	1,5	-0,9	0,7	0,8	2,4	2,4
-Landunak Guztira	Eustat	I Hiruhilekoa	1,4	1,8	1,0	1,9	--	--
-Gizarte Segurantzako Afiliatuak	G. Segurantza	Urtarrila-martxoa	1,3	1,1	1,1	1,0	2,3	2,3
INDUSTRIA								
-I.E.I. Ateratze Industriak zuzenduta	Eustat/INE	Urtarrila-martxoa	-1,6	-21,9	0,3	-7,0	-0,3	-3,3
-I.E.I. Beste Manufaktura zuzenduta	Eustat/INE	Urtarrila-martxoa	-2,6	1,6	-2,4	-2,1	-1,5	-0,0
-I.E.I. E.Elek., Gasa eta Ura zuzenduta	Eustat/INE	Urtarrila-martxoa	6,0	-2,7	3,3	-3,2	3,5	0,4
-Landunak Industrian	INE	I Hiruhilekoa	11,9	10,9	-4,7	4,8	3,2	5,0
-Landunak Industrian	Eustat	I Hiruhilekoa	0,5	1,9	-0,2	-1,3	--	--
-E. Elek. kontsumoa Industrian	Iberdrola	Urtarrila-martxoa	-7,2	10,9	-4,3	0,7	--	--
-E. Elek. kontsumoa Ind. Sid. Gabe	Iberdrola	Urtarrila-martxoa	-5,9	5,7	-6,7	1,6	--	--
ERAIKINTZA								
-Landunak Eraikintza	INE	I Hiruhilekoa	-14,9	32,8	-2,5	28,7	4,3	6,6
-Landunak Eraikintza	Eustat	I Hiruhilekoa	3,9	8,1	7,8	9,3	--	--
-En. Elek. kontsumoa Eraikintzan	Iberdrola	Urtarrila-martxoa	5,9	-18,3	-0,1	-18,9	--	--
ZERBITZUEN SEKTOREA								
-Bidaia-irteerak Mugimendua	INE	Urtarrila-martxoa	-3,8	3,7	0,2	-0,3	-2,8	3,9
-Bidaia-irteerak Mugimendua	Eustat	Urtarrila-martxoa	3,9	2,0	0,3	-0,6	--	--
-Gauak	INE	Urtarrila-martxoa	-2,6	6,4	1,9	1,0	-3,3	3,4
-Gauak	Eustat	Urtarrila-martxoa	3,5	3,7	0,5	-0,3	--	--
-Landunak Zerbitzuetan	INE	I Hiruhilekoa	1,4	-6,4	2,9	-2,6	2,3	1,5
-Landunak Zerbitzuetan	Eustat	I Hiruhilekoa	1,4	1,1	0,7	2,2	--	--
-En. Elek. kontsumoa Zerbitzuetan	Iberdrola	Urtarrila-martxoa	-21,5	-5,7	-22,4	-1,7	--	--
LAN MERKATUA								
-Langabezia Tasa **	INE	I Hiruhilekoa	8,7	8,5	7,7	8,2	11,4	10,8
-Langabezia Tasa **	Eustat	I Hiruhilekoa	8,0	7,9	7,0	6,7	--	--
-Erregistratutako Langabezia	SEPE	Urtarrila-martxoa	-2,2	-1,3	-2,1	-1,2	-5,8	-6,1
-Erregistratutako Kolokazioak	SEPE	Urtarrila-martxoa	3,9	0,3	2,3	1,6	4,4	4,6
BARRU ESKARIA								
-I.E.I. Kontsumo Ondasunak zuzenduta	Eustat/INE	Urtarrila-martxoa	--	--	-0,6	-4,9	-1,1	0,2
-Turismo-ibilgailuen matrikulazioa	D.G. Tráfico	Urtarrila-martxoa	5,2	7,4	8,4	11,5	19,2	9,1
-E. Elek. kontsumoa Etxeetan	Iberdrola	Urtarrila-martxoa	3,9	30,7	3,0	18,0	--	--
-I.E.I. Ekipamendu Ondasunak zuzend.	Eustat/INE	Urtarrila-martxoa	--	--	-0,1	0,3	-4,0	1,6
-Zama-ibilgailuen matrikulazioa	D.G. Tráfico	Urtarrila-martxoa	-2,8	22,2	-5,1	18,0	5,9	15,0
KANPOKO ESKARIA								
Esportazioak Guztira	S.E.Comercio	Urtarrila-martxoa	-6,6	8,7	1,6	-0,9	2,6	0,7
-Esp. ez energetikoak	S.E.Comercio	Urtarrila-martxoa	2,2	6,5	5,1	-2,1	3,5	1,2
-Esp. E.E. Europar Batasuna	S.E.Comercio	Urtarrila-martxoa	3,9	6,7	2,8	1,5	0,7	2,7
-Esp. E.E. munduko gainer.	S.E.Comercio	Urtarrila-martxoa	-0,7	6,1	9,0	-7,8	8,6	-1,4
Inportazioak Guztira	S.E.Comercio	Urtarrila-martxoa	-3,8	1,1	5,9	3,0	9,3	-2,5
-Inp. ez energetikoak	S.E.Comercio	Urtarrila-martxoa	3,3	2,1	12,8	4,0	10,0	-0,2
-Inp. E.E. Europar Batasuna	S.E.Comercio	Urtarrila-martxoa	-5,9	16,2	7,4	2,4	2,8	3,0
-Inp. E.E. munduko gainerakoak	S.E.Comercio	Urtarrila-martxoa	15,2	-12,6	23,5	6,7	19,1	-3,8
PREZIO ETA SOLDATAK								
-KPI	INE	Urtarrila-martxoa	3,1	3,0	3,2	2,7	2,7	2,7
-PIIA	INE	Urtarrila-martxoa	--	--	2,5	0,4	4,6	-2,3
-Itundutako soldata-igoera	Mº de Empleo	Urtarrila-martxoa	3,1	3,3	3,2	3,5	3,3	2,9
EKONOMIAREN FINANTZAKETA								
-Kredituak S. Egoiliarretan	BdE	IV Hiruhilekoa	-1,2	2,4	-2,5	1,7	-1,0	2,6
-Gordailuak S. Egoiliarretan	BdE	IV Hiruhilekoa	2,3	1,9	2,5	0,9	5,3	4,9

* Espainia, aurrerapena



** Tasa da, ez aldakuntza

Bizkaiko Abagune Ekonomikoaren Laburpen Grafikoa



Ekoizpen Jarduera



Lan-Merkatua



Barruko Eskaria eta Kanpokoa





ABAGUNE FISKALA

Espainiako Bankuak (BdE, gaztelaniaz) egindako Finantza Egonkortasunaren Txostenaren (IEF, gaztelaniaz) arabera (2026ko udaberriari buruzkoa) Israelek eta AEBk Iranen eta Ekialde Ertainaren aurka otsailean hasi zuten gerrak areagotu egin ditu tentsio geopolitikoak eta finantza-merkatuetako balorazioen zuzenketa gogor posibleak, eta horiek izan dira finantza-egonkortasunaren arrisku nagusiak. Gatazka horrek efektu negatiboak sortu ditu energia-merkatuetan eta eskaintzaren baldintza orokorretan, eta horien irismena zalantzazkoa da. Testuinguru horri aurre egiteko, Espainiako etxeen, enpresen eta bankuen finantza-abiapuntua nahiko aldekoa da, baina zorpetze publiko handia nolabaiteko zaurgarritasun-faktorea da.

Etxeak eta enpresak: Etxeetako errenten eta enpresa-etekin bilakaera positiboa izan zen 2025eko bigarren erdian, baina hazkunde-erritmoa apaldu egin zen. Etxeetan zein enpresetan, zorpetzeko eta finantza-kargako ratioak pixka bat aldatu ziren eta maila historikoki murriztuetan mantendu ziren. Hala eta guztiz ere, errenta txikiagoak dituzten etxeetan ahultasun handiagoko foku batzuk daude; etxe horietan, errentaren ehuneko handi bat oinarrizko gastuak estaltzeko erabili behar izaten dute.

Sektore publikoa: 2025ean, Espainiako administrazio publikoen defizita % 0,8 puntu gutxitu zen BPGd-ren % 2,4ra arte, eta Eurogunean murrizketa askoz ere txikiagoa izan zen. Espainiako ekonomiaren aldeko egoera ziklikoa % 2,8 hazi zen, Eurogunearen bikoitza, eta hobekuntza horretan erabakigarria izan zen. Hala eta guztiz ere, gastu garbia aurreikusitakoaren gainetik hazi zen eta gobernuaren hasierako kalkuluak eta epe ertaineko zerga- eta egitura-planeari (PEMP, gaztelaniaz) finkatutako mugak gainditu zituen.

Azken urteetako hobekuntzen ondoren, Espainiako zerga-egoera pandemiaren aurretik zegoenera hurbildu da. Bilakaera positiboa izan arren, zor publiko handia da (BPGd-ren % 100 ingurukoa) eta Espainiako ekonomiarako zaurgarritasun-iturri izaten jarraitzen du.

Banku-sektorea: 2025ean, Espainiako bankuen finantza-egoerak aldekoa izaten jarraitu zuen. Sektorearen emaitza finkatua % 6 hazi zen. Ondorioz, aktiboaren gaineko errentagarritasuna (ROA, ingelesez) % 0,95koa izan zen eta ondare garbiaren gaineko errentagarritasuna (ROE, ingelesez) % 14,3koa. Errentagarritasun-metrika biak handitu egin ziren aurreko ekitaldiarekin konparatuta, baina aurreko urteetan baino apalago. Interes-marjina murriztu egin zen urte arteko kopuruetan, baina jaitsiera-erritmoa apaltzen joan zen urtean zehar. 2026ko lehen hiruhilekoan kotizatutako banku nagusien errentagarritasunak hazten jarraitu du.

Bankukoa ez den finantza-sektorea: Bankukoa ez den finantza-sektorea (SFNB, gaztelaniaz) Espainiako finantza-aktibo guztiaren heren bat ingurukoa zen 2025eko hirugarren hiruhileko bukaeran, eta Eurogunean % 60koa. Azken urtean zehar, SNFBk gure herrialdearen finantza-sistemaren aktiboaren hazkundeari laguntzen jarraitu zuen, baina banku-sektoreak baino neurri txikiagoan. Espainiako SFNBren barnean, inbertsio-funtsek jarraitu zuten hazkunde-motor nagusia izaten 2025ean, baina horien ekarpena apaldu egin zen aurreko urteekin konparatuta.

Higiezin merkatua: Etxebizitzen salerosketa-kopuruak handia izaten jarraitu zuen 2025ean, 750 mila unitate inguru, baina egungo bilakaerak dio nolabait egonkortzen ari dela. Salerosketa-prezioek beren aurrerapen-erritmoa azkartu zuten, % 12,7 nominaleraino (% 9,7 termino errealean). Etxebizitzen prezioen lurralde-diferentziak handitu egin ziren eta hazkunde metatu handiagoa izan zuten prezio altuagoak dituzten probintzietan eta hazkunde apalak edo nuluak gertatu ziren prezio baxuagoak zituztenetan. Horrek kontrastatu egiten du finantza-krisi globalaren aurreko higiezin hedapenaren prezioen jokaerarekin; orduan, prezioen igoerak orokorragoak izan ziren probintzietan. Bilakaera hori sustatu zuten eskaeraren dinamismoak eta eskaintzaren zurruntasunak, eta etxebizitza berrien eraikuntza-erritmoa etxean sortze garbiaren oso azpitik zegoen.

Finantza-merkatuak: Joan zen udazkenetik nazioarteko finantza-merkatuen bilakaeraren otsailera arteko ezaugarria izan zen baldintza oso onak mantentzen zirela. Hilabete horren bukaeran Iraneko gatazka armatuaren hasierari lotutako *shock* geopolitikoak joaera hori aldatu zuen, baina martxoko inpaktuak neurritsuak izan ziren eta apirilean su-etena iragarri zutenetik, aktiboen kategoria ezberdinetan maila anitzetan desagertu dira. Ekialde Ertainean gerra hasi eta gero, tipo ofizialen aurreikuspenak gorantz berrikusi ziren bai euroaren ekonomian, bai eta Estatu Batuetan, batez ere, lehenengoan.


Arriskuak: Munduko tentsio geopolitikoak nabarmenki areagotu dira eta Ekialde Ertaineko gatazka da arrisku-foku nagusia. Otsailean gerra hasi zenean munduko ziurgabetasun ekonomikoa nabarmenki hazi zen, aurretik ere maila altuetan baitzegoen. Ziurgabetasun handiago horrek bereziki eragiten dio energiaren prezioen eta inflazioaren bilakaerari. Gatazkak energia-merkatuetan sortu duen inpaktua bereziki intentsua izan da. Etorkizuneko merkatuetan prezioak pixkanaka murriztuko direla aurreikusten den arren, hurrengo urteetarako itxaropenak, batez ere, 2026koak, argi eta garbi mantentzen dira gatazkaren aurreko mailen gainetik. Gerrak arrisku handiagoak planteatzen ditu baita ere balio-kate globalentzat. Ormuzko itsasartetik ongarrrien munduko merkataritzaren zati handi batek zirkulatzen du, baita helioaren eta neonaren hornidura kritikoek ere, eta horiek ezinbestekoak dira erdieroaleak fabrikatzeko. Arrisku geopolitikoetan eragiten du baita ere AEBren merkataritza-politikaren inguruko ziurgabetasun handiak. Orokorrago, alde anitzeko kooperazioa narriatzean zailagoa da aurreikustea zein izango den munduko politika ekonomikoen bilakaera eta horrek murriztu egiten du krisi potentzialen aurrean erantzun koordinatuak emateko probabilitatea.

Argitaratutako azken datuen arabera, urtariletik apirilera estatuko zerga-bilketa, lurralde-administrazioei egotz dakiekeen partaidetza barne, 118.561 milioikoa izan da, eta % 10,6 igo da 2025eko aldi berarekin alderatuta, zuzeneko zergetan egondako igoeraren ondorioz (% 13,8), baita, hein txikiagoan, zeharkakoan egondako igoeragatik ere (% 6,9).

Hazkunde nominala eta zerga-bilketaren bilakaera

EAEko zergen diru-sarrerak irmoak izan dira 2026ko lehen lauhilekoan, nahiz eta munduko ekonomiak Ekialde Hurbilean gatazka hastearen ondorioz izandako astinaldi gogorra jasan. Gauzak horrela, Ormuzko itsasarteak itxi izanak asko garestitu ditu energia-kostuak eta prezioak orokorrean. Beste alde batetik, Arabako ogasunak diru-sarrerak kontabilizatzeko modua aldatu du eta horrek modu erabakigarrian zailtzen du lurraldeen arteko konparazioak egin ahal izatea.

Kapituluka, kudeaketa propioko zergetan, EAEn 2025eko urtarriletik apirilera bitartean bildutako kopuruan izan den igoera zuzeneko eta zeharkako zergen igoerak eragin du: % 7,8 eta % 9,8 hurrenez hurren. Bizkaian, foru-aldundien arteko doikuntzen aurretik, zerga zuzenen bidez bildutakoa % 4.7 gehitu da eta zeharkako zergen bidez bildutakoa % 1.4.



Zuzeneko zergen bilakaera

Enpleguaren egoera aldekoak zuzeneko zergen bidezko diru-sarrerak bultzatzen jarraitu du urte hasierako lehen lau hilabetetan, bere osagai nagusiaren ekarpen nabarmenari esker, hots, lan-atxikipenei esker.

2026ko lehen lauhilekoan, Bizkaiko zergapetze zuzen gordina % 2,6 hazi zen urte artean eta 2025eko aldi berean % 7,4 izan zen.

Bizkaian zuzeneko zergengatik egindako itzulketak lauhilekoan –% 16,3 jaitsi ziren, eta 2025eko aldi berean –% 5,8 gutxitu ziren.

Horrela, urtarritetik apirilera bitartean Bizkaiko diru-bilketa zuzen garbia % 4,7 hazi zen (2025eko aldi berean % 9,1).

Lan-atxikipenak % 6,5 gehitu dira Bizkaian apirilera arte, 2025ean baino bi hamarren gehiago; orduan % 6,3 izan zen. Lan-merkatua sendo mantentzen da, eta EUSTATen BJaren datuen arabera, okupazioak % 1,8 igotzea lortu du 2026ko urtarritetik martxora, urtetik urtera, 2025eko aldi berean baino lau hamarren gehiago (% 1,4). Horrela, oro har atxikipenen ziozko diru-sarrerak 1.700,0 milioi eurokoak izan dira, duela urtebete baino 103,9 milioi gehiago.

Bizkaian lan-atxikipenak dituzten Gizarte Segurantzaren Araubide Orokorreko afiliazioek joera positiboari eutsi diote, baina 2025ean baino apalago. Hala, 2026ko urtarritetik apirilera bitarteko hileko batezbestekoak % 1,5 egin du aurrera, aurreko urteko % 1,8 baino hiru hamarren gutxiago. Edonola ere, afiliazioek balio absolutuetan zifra oso altuak izaten jarraitzen dute, aurreko hiruhilekoko errekorra eta gero. Igoera EAEko batezbestekoak (% 1,3) baino handiagoa da, eta estatukoaren azpitik dago (% 2,8).

Bestalde, Enplegu eta Gizarte Segurantzako Ministerioaren datuen arabera, Bizkaiko hitzarmenetan 2026ko apirilera arte itundutako batez besteko soldata-igoera (63.627 langileri eragiten die) % 3,3koa da (urtebete lehenago % 5,7), estatukoa (% 2,9) baino 0,3 puntu handiagoa eta EAEkoa (% 3,4) baino txikiagoa. Araban soldatak Bizkaian baino gutxiago hazi dira (% 3,0) eta Gipuzkoan proportzio handiagoan hazi dira (% 3,7).


Gainerako atxikipenen artean denetariko emaitzak egon dira. Gehitu egin dira higiezin kapitalaren gaineko etekinak (% 1,4), jarduera profesionaletan, enpresakoetan edo artistikoetan zatikatutako ordainketak (% 6,0) eta ondare-irabazien gaineko atxikipenak (% 52,1). Beste alde batetik, gutxitu egin dira higiezin-kapitalaren etekinen gaineko atxikipenak (–% 11,0) eta sarien gaineko zergapetze berezia; 2026ko urtarritetik apirilera 5,7 milioi euro bildu zituen eta aurreko ekitaldian 41,5 milioi.

PFEZaren kuota diferentzialak 199,7 milioiko saldo negatiboa du eta joan den ekitalditik apirilera emaitza negatiboa handiagoa izan da: -213,0 milioi. Ezberdintasun horren arrazoiaren parte bat da PFEZ kanpainaren hasiera atzeratu egin zela. Ekitaldi honetan apirilaren 15ean hasi zen eta aurreko urtean apirilaren 10ean. Horrenbestez, murriztu egin da aldi horretan kontabilizatutako itzulketen bolumena.

Sozietateen gaineko zergari dagokionez, zergaren kuota diferentziala (% 52,2) lehen lauhilekoan urte arteko % 13,0 hazi zen eta 2025eko aldi berean –% 33,3 galdu zuen. Gehikuntza hori gertatu da bere diru-bilketa gordina % 15,4 hazi zelako eta 155,7 milioi eurokoa izan zen eta aurreko urtean 135,0 milioi euro izan ziren. Itzulketak ere gehitu egin dira eta 5,2 milioi izan ziren eta aurreko urtean 1,7 milioi erregistratu ziren.

Gainerako zerga-kontzeptuak kontuan hartuta, zergaren diru-bilketa % 5,8 gehitu zen eta urtebete lehenago –% 13,3 jaitsi zen. 2025eko apirilera arte 272,4 milioi eskuratu ziren eta ekitaldi honetan 288,1 milioi. Hala, zerga bide positibora itzuli da lehen ordainketa lurralde komuneko araubidearen menpeko erakundeek kontura kontabilizatu eta gero.

Zergapetze zuzenaren gainerako figuretan, diru-bilketa likidua –% 16,1 jaitsi zen, 103,0 milioi euroraino (aurreko ekitaldian 122,7 milioi) eta jaitsierak orokorrak izan ziren. Egoiliarak ez diren errentaren gaineko zerga –% 28,3 jaitsi zen (56,1 milioitik 40,2 milioira), Dohaintzen eta oinordetzen gaineko zerga –% 24,8 (47,9 milioitik 36,0 milioira) eta Ondarearen gaineko zerga, ondasun handien gaineko elkartasunarena barne, –% 62,1 (4,3 milioitik 1,6 milioira). Era berean, Energia elektrikoaren ekoizpenaren gaineko zerga –% 15,9 jaitsi zen, 14,3 milioietatik 12,1 milioietara igarota, Ekialde Ertaineko krisiari erantzuteko neurriek eraginda. Zenbait finantza-erakunderen interesen eta komisioen marjinaren gaineko zergari dagokionez, diru-bilketa 13,0 milioi eurokoa izan zen.



Zeharkako zergapetzearen bilakaera

Barne-eskaeraren bultzadak eta zerbitzu-sektorearen sustapenak zeharkako zergapetzea sostengatzen jarraitzen dute, non BEZaren kontzeptuan egindako itzulketa handiek zergaren emaitza garbia lastatzen duten eta hidrokarburoengatiko diru-sarrerak irmo gehitu dira.



Bizkaian, 2026ko urtarritetik apirilera, gehitu egin dira zeharkako diru-sarrera gordinak eta itzulketak. Hala, doikuntzak egin baino lehen, emaitza garbi positiboa txikiagoa izan da 2025eko lehen lauhilekoko baino; orduan, diru-bilketa gordinak gehiago egin zuen aurrera eta, horretaz gain, itzulketek behera egin zuten.

Hala, foru-aldundien arteko doikuntzen aurretik kudeaketa propioaren bidez egiten zen zeharkako bilketa gordina % 3,1 hazi zen lurraldean 2026ko apirilera arte, aurreko ekitaldiko aldi berdinean baino gutxiago (orduan % 4,9 hazi zen). Itzulketak –% 13,5 gutxitu ziren 2025eko lehen lauhilekoan eta % 11,1 gehitu dira ekitaldi honetan. Hala, diru-sarrera gordinen gehikuntzaren efektu bateratuak eta itzulketen aurrerapenak direla-eta, diru-sarrera garbiak % 1,4 hazi ziren, 2025eko aldi bereko % 9,6tik urruti.

Bizkaian BEZagatik izandako diru-bilketa gordina (zeharkako bilketa gordin osoaren % 72,8) % 0,6 hazi da 2026ko urtarritetik apirilera. BEZaren itzulketak % 8,4 igo dira, eta, hortaz, diru-sarrera garbiak jaitsi egin dira doikuntzen aurretik (–% 1,7). 2025eko epe berean % 10,4ko igoera handia egon zen.

Termino absolutuetan, kudeaketa propioko BEZaren bilketa garbia 1.284,1 milioi eurora gehitu da lurralde historikoen arteko doikuntzen aurretik eta 22,5 milioi bildu dira 2025ko aldi berarekin alderatuta (orduan 152,1 milioi gehitu ziren 2024ko zifrarekin alderatuta). Foru-aldundien arteko BEZaren doikuntzari dagokionez, Bizkaiak 301,4 milioi euro ordaindu ditu 2026ko lehenengo lauhilekoan (2025ekin alderatuta, –% 26,3ko jaitsiera handia); beraz, azken emaitza da bilketa garbi doitua % 9,5 hazi dela (2025eko lehenengo lauhilekoan % 10,4 hazi zen).

Apirilera arte, kudeaketa propioko zerga berezien bilketa garbia % 7,4 igo zen Bizkaian doikuntzen aurretik, eta urtebete lehenago, ordea, –% 3,5eko beherakada erregistratu zuen. Bere osagai nagusia, Hidrokarburoen gaineko zerga, aldi berean, zerga berezien taldeko diru-sarrerak berriz aktibatzeke motor nagusia da eta % 7,9 egin du aurrera eta 2025eko lehen lauhilekoan –% 6,3 egin zuen behera. Tabako-laboreen gaineko zergak zifra positiboak izan ditu berrirori ere, eta 2026ko lehenengo lauhilekoan doikuntzen aurreko bilketa garbia % 1,6 igo da, duela urtebeteko aldi berdinean baino gutxiago (% 4,5). Bestalde, 2023ko bigarren hiruhilekotik aurrera biltzen hasi zen Berrerabili ezin diren plastikozko ontzien gaineko zergak 1,1 milioi euro bildu ditu apirilera arte, doikuntzen aurretik.

Gainerako lurraldeekin doikuntzak egin ondoren (172,6 milioi euroko ordainketa eta urtetik urterako % 6,0ko igoera), Bizkaiko zerga berezien bidezko bilketa garbi doitua % 8,2 hazi da 2026ko lehenengo lauhilekoan (2025eko % 2,6 hobetuz).


Urtarritetik apirilera, Zenbait garraiobideren gaineko zerga bereziaren diru-bilketak urte horretako otsailean hasitako ibilbide positiboarekin jarraitu zuen eta % 9,7 hazi zen. 2025eko lehen lauhilekoan –% 4,9 jaitsi zen.

Kontuan hartu behar da aldaketa gertatu dela Arabako Lurralde Historikoko diru-bilketaren behin-behineko diru-bilketan, eta horrek eragina izan du barne-doikuntzak zenbatzean.

Zeharkako gainerako zerga-figurak % 10,4 gehitu dira. Diru gehiago bildu da Ondare-eskualdaketen gaineko zergaren bidez (% 0,6), Egintza juridiko dokumentatuen gaineko zergaren bidez (% 8,3), Aseguru-primen gaineko zergaren bidez (% 6,8), Joko-jardueren

gaineko zergaren bidez (% 16), Zenbait zerbitzu digitalen gaineko zergaren bidez (% 10), Finantza-transakzioen zergaren bidez (% 38,3) eta Hondakinak zabortegetan uztearen eta erraustearen gaineko zergaren bidez (% 15,6). Gutxitu den zerga bakarra Berotegi efektuko gas fluoratuen gaineko zerga izan da. —% 12,4 galdu du eta 3,7 milioi euro bildu dira eta aurreko urtean 4,2 milioi bildu ziren.

Gainera, Finantza-transakzioen gaineko zergaren diru-sarrerak gehitu egin dira, 13,7 milioietatik 19,8 milioietara (% 45,0).



Epe laburrerako aurreikuspenak

EA Eri dagokionez, Eusko Jaurlaritzak maiatzean eguneratu zituen euskal ekonomiaren hazkunde-aurreikuspenak 2026rako eta 2027rako, Euskadiko Autonomia Erkidegoko aurrekontu orokorrak egin zituenean datorren ekitaldiari begira.

Martxoan argitaratu ziren aurreko kalkuluekin konparatuta, Euskadiko BPGd-k hazkunde-aurreikuspenak mantentzen ditu bai 2026rako (% 1,9), bai 2027rako ere (% 1,6). Zifra horiek adierazten dute bateratasunaren erritmoak lerrokatuago daudela Europako ekonomia nagusietako erritmoekin. Aurreikuspen horiek egin direnean ingurua baldintzatzen dute tentsio geopolitikoek eta, batez ere, Ekialde Hurbileko gatazkaren bilakaerak.

Jardueraren aurrerapenak barne-eskarian sostengatzen jarraituko du. 2025eko azken hiruhilekoetako datuek baieztatzen dute etxeetako gastuaren bilakaera aldekoa izan dela eta hazkundearen motor nagusi gisa duen papera indartu da.

Hala eta guztiz ere, aurreikuspenak ahulagoak dira urte honetarako eta hurrengorako, lan-merkatuaren dinamismoa txikiagoa baita eta energia-prezioek gora egin dutelako. Baliteke horrek presio osagarriak sortzea etxeen errentaren gainean.

Kanpo-eskariak, bere aldetik, bi urteetan ekarpen negatiboa egiten jarraituko du hazkundean. Nazioarteko industriaren ahultasunak, tentsio geopolitikoak areagotu izanagatiko merkataritzaren zatikatzeak eta merkataritza-oztopo berriak egotearen aukerak mugatu egiten ditu kanpo-sektorearen itzaropenak.

Bizkaiko BPGd-ren hazkundeak ez luke oso urrun egon behar EAE osorako zenbatetsitakotik, kontuan hartzen badugu lurraldeko ekonomia EAEko ekonomia osoaren % 50 baino zertxobait gehiago dela.

Aurreko zerga-egoeraren txostenean aipatu zen bezala, Bizkaiko itunpeko tributuengatiko diru-bilketak, EAE osoan bezala, 2025 bukaeran jardueraren gorakada izan zuen eta % 11,0ko aurrerapen handiak izan ziren, kasu bietan, 2024rekin konparatuta.

2026ko ekitaldirako, Bizkaiko zerga itunduen bilketaren aurrekontua 10.891,0 milioi eurokoa da, eta 2025eko aurrekontuarekin alderatuta (10.182,3 milioi), % 7,0ko igoera izan du. 2025eko diru-bilketari dagokionez (10.442,0 milioi), % 4,3ko igoera izan da. Aurreikuspen hauek Ekialde Hurbilean gerra-gatazka berria lehertu baino lehen egin ziren eta luzatzen baldin bada, kalte larriak sor litezke ekonomia orokorraren bilakaeran eta zergen diru-sarreretan.

Urtetik urterako ald.% /urtarrila-apirila

Adierazkariak
(datu osoa)

	Bizkaia		Ara./Álav.+Gipuzkoa**		*Lurralde Erkidea	
	2025	2026	2025	2026	2025	2026
Lanaren Etekinen Atxik.	6,2	6,5	4,8	18,3	8,8	30,2
Kapitalaren Etekinen eta Ondare-irabazien Atxik.	16,8	-6,1	36,9	22,1	23,6	15,2
Zuzeneko Zergak	7,4	2,6	7,8	17,7	11,8	42,8
BEZ. Kudeaketa Propioa / Barruko Eragiketak	5,8	0,6	4,5	18,5	5,8	25,3
Ondare Eskualdaketak eta Egintza Jr. Dokumen.	29,8	1,9	30,8	-3,8	d.g	d.g
Zenbat Garraibide gainerako Zerga	-12,0	8,7	-4,4	-9,4	d.g	d.g
Fabrikazioaren gainerako Zerga Bereziak. Kude. Propioa	-3,4	9,2	33,7	9,4	7,9	24,5
Zeharkako Zergak. Kudeaketa Propioa	4,9	3,1	8,7	16,4	8,7	21,7
Zergak Itunduak. Kudeaketa Propioa	6,0	3,0	8,2	17,1	10,1	33,0
Egindako diru-itzulketak. Kudeaketa Propioa	-10,7	1,3	10,7	-4,1	d.g	d.g

* Lurralde Erkidean, barruko eragiketen BEZa izan ezik, adierazleak zenbateko garbieran adierazi dira.
**Arabako Foru Ogasunak diru-sarrerak kontabilizatzeko sistema aldatu duenez, Ar./Ál + Gipuzkoako diru-bilketa ezin da alderatu aurreko ekitaldikoarekin.



Ohar Metodologikoa

Aurkakoa adierazten ez den bitartean, zerga-adierazleak zenbateko osoetan adierazi dira, eta kudeaketa propioari dagozkio. Kudeaketa propioa lurralde-eremu bakoitzean eskuratutako diru-sarrerak dira, betiere finantza-akordioetan oinarritutako lurraldeen arteko banaketak egin aurretik. Beraz, Koefiziente Horizontalei begira egindako BEZaren barruko berratzikipena eta Zbak nahiz modu berean banatuta Estatuarekin egindako Doikuntzak ere salbuetsita geratuko dira.



Adierazleen aukera horren ideia nagusia hazkunde izendatua eta Itun Ekonomikoaren konexio-puntuetan oinarritzen den zerga-oinarriaren euskarriaren jarraipena garatzea da.

Ekonomi Ihardueraren Fisko Adierazkarien Laburpen Grafikoa



Zerga Diru-sarrera Orokorrak



Zuzeneko zergen Diru-sarrerak



Zeharkako zergen Diru-sarrerak



Legezko Gordailua BI-1531-98

Argitalpena: BIZKAIKO FORU ALDUNDIA – Ogasun eta Finantza Saila

Erredakzioa, diseinu grafikoa eta infografia: EKONOMI AHOLKULARITZA ZERBITZUA

Argitalpen-itxiera: 2026ko ekainaren 19an

Aldizkari honetan azaltzen diren iritziek ez dituzte adierazten inolaz ere Bizkaiko Foru Aldundiko zuzendaritza-organoen iritziak.